

80

子
二

消搖壺

上

共
三
本

消搖墟引

夫人生墮落世網、彼蠅爭蟻、逐輩無論
已、卽古稱長心逸節、亦往。鍛羽羈足、
若轅駒檻鳥、然天誰能蟬蛻、鳳舉而消
搖物外也者、緬惟羽客仙翁、吸雲英、餐
石髓、駕紫鳳、以翩躚、馭青牛、而遊遨一
條、藜杖泛雲水之三千、半片衲衣訪洞。

宋澤藏書

天之十二蒙莊氏所稱消搖遊者意在
斯乎予性寡諂謝絕一切世氛獨紫芝
白石有夙癡焉洪生自誠氏新都弟子
也一日携仙紀一編徵言於予披閱
之青霞紫氣映發左右宛若遊海上而
揖羣真令人飄然欲仙真欲畧丹丘塵
世蓬島也雖仙有靈根道有夙契得皮

忘髓終非昇舉向上事顧塵勞系劫中
定喘拭眯難名香啜苦茗時一露盥玩
之不猶吞火而飲之以冰哉他日倘逸
樊籠而步碧虛請執是以作玉杵或不
謂無回六

了凡道人袁黃題



消搖墟目

列仙姓氏

還初道人自誠甫次

老子

東王公

西王母

赤松子

廣成子

青鳥公

彭祖

鐵拐先生

王子喬

尹喜

李八百

丁令威

鬼谷子

劉越

太上老父

白石生

安期生

東方朔

鍾離權

馬成子

劉海蟾

黃安

劉晨

浮丘伯

魏伯陽

張道陵

梅福

蕭史

費長房

黃初平

藍采和

麻衣子

麻姑

呂純陽

孫登

左慈

韓湘子

曹國舅

許真君

葛仙翁

何仙姑

張果老

王質

黃野人

陶弘景

司馬真人

裴航

孫思邈

譚峭

許宣平

玄真子

軒轅集

陳希夷

雷隱翁

馬自然

張紫陽

李鼻涕

歸元子

白玉蟾

陳泥丸

莫月鼎

馬丹陽

張三丰



Blank page with a faint grid pattern, likely a ledger or a page for writing.

老君

老子者太上老君也累世化身而未有誕生之迹迨商陽甲時分神化氣始寄胎玄妙玉女八十一年暨武丁庚辰二月十五日卯時降誕於楚之苦縣瀨鄉曲仁里從母左腋而生於李樹下指樹曰此吾姓也生時白首面黃長身矩目鼻純骨雙柱耳有三漏門美鬚廣額疎齒方口足踏三五手把十文姓李名耳字伯陽號曰老

子又號曰老聃周文王爲西伯召爲守藏史武王時遷爲柱下史乃遊西極大秦竺乾等國號古先生化導其國康王時還歸于周復爲柱下史昭王二十三年駕青牛車過函谷關度關令尹喜知之求得其道二十五年降於蜀青羊肆會尹喜同度流沙胡域至穆王時復還中夏敬王十七年孔子問道於老聃退而有猶龍之嘆赧王九年復出散關飛昇崑崙秦時降浹河之

濱號河上公授道安期生漢文帝時號廣成子
文帝遣使詔問之公曰道尊德貴非可遙問帝
卽命駕詣之帝曰域中有四大王居一也子雖
有道猶朕民也不能屈何乃高乎朕足使貧賤
富貴公乃拊掌坐躍冉冉在虛空中如雲之昇
去地百餘丈而止於玄虛良久俛答曰今上不
至天中不類人下不居地何民之有陛下焉能
令富貴貧賤乎帝悟方下輦禮謝授帝道德二
經蓋無世不出先塵劫而行化後無極而常存
隱顯莫測變化無窮普度天人莫可具述云



仙
卷一
三

東王公

東王公諱倪字君明天下未有民物時鍾化而生於碧海之上蒼靈之墟道性凝寂湛體無爲贊迪玄功育化萬物主陽和之氣理於東方亦號東王公凡上天下地男子登仙得道者悉所掌焉嘗以丁卯日登臺觀望轉劫昇天之仙凡有九品然始昇之時先拜太公後謁金母受事既畢方得昇九天入三清禮太上而觀元始漢初有羣兒戲謔於道曰着青裙上天門揖金母拜木公時人莫之知唯子房往拜焉乃語人曰此東王公玉童



西王母

西王母卽龜臺金母也得西華至妙之氣化生於伊川姓緱諱回字婉妸配位西方與東王公共理二氣調成天地陶鈞萬品凡上天下地女子之登仙者咸所隸焉居崑崙之圃閬風之苑玉樓玄臺九層左帶瑤池右環翠水女五華林媚蘭青娥瑤姬玉卮周穆王八駿西巡乃執白圭玄璧謁見王母復觴母于瑤池之上母爲王謠曰白雲在天山林自出道里悠遠山川間之將子無死尚能復來後漢元封元年降武帝殿進蟠桃七枚於帝帝欲留核母曰此桃非世間所有有三千年一實耳偶東方朔於牖間窺之母指曰此兒已三偷吾桃矣是日命侍女董雙成吹雲和之笛王子登彈八琅之璈許飛瓊鼓靈虛之簧安法興歌玄靈之曲爲武帝壽焉



赤松子

赤松子神農時雨師煉神服氣能入水不濡入
 火不焚至崑崙山常止西王母石室中隨風雨
 上下炎帝少女追之亦得仙俱去高辛時為雨
 師間遊人間




廣成子

廣成子軒轅時人隱居崆峒山石室中黃帝造
焉問以至道之要答曰至道之精窈窈冥冥至
道之極昏昏默默無視無聽抱神以靜形將自
正必靜必清毋勞爾形毋搖爾精毋俾爾思慮
營營乃可長生慎內閉外多智多敗我守其一
而處其和故千二百年未嘗衰老



青鳥公

青鳥公彭祖弟子也受明師指示審真仙竅理
乃入華陰山中學道積四百七十一歲後服金
液而昇天



彭祖

彭祖錢鏗帝顓頊玄孫至殷末世年已七百餘
歲而不衰好恬靜善於補導之術并服水晶雲
母麋角常有少容穆王聞之以爲大夫稱疾不
與政事采女乘輜輶往問道於彭祖具受諸要
因以教王王試爲之有驗彭祖知之乃去不知
所往其後七十餘年門人於流沙西見之



鐵拐先生

鐵拐先生姓李質本魁梧早歲聞道修真巖穴
時李老君與宛丘先生嘗降山齋誨以道教一
日先生將赴老君之約於華山囑其徒曰吾魄
在此儻游魂七日而不返若甫可化吾魄也徒
以母疾迅歸六日化之先生至七日果歸失魄
無依乃附一餓莩之尸而起故形跛惡非其質
矣



王子喬

王子喬周靈王太子晉也好吹笙作鳳鳴遊伊
洛之間道人浮丘公接晉上嵩高山三十餘年
後見栢良謂曰可告我家七月七日待我於緱
山頭至期果乘白鶴駐山頭可望不可到俯首
謝時人數日方去後立祠緱氏山下



尹喜

尹喜字公文天水人初母氏嘗晝寢夢天下絳霄流繞其身及喜生時陸地自生蓮花及長眼有日精姿形長雅垂臂下膝堂堂有天人之貌少好學墳索隱德行仁不修俗禮損身濟物不求聞達周康王時爲大夫仰觀乾象見東方有紫氣西邁知有聖人當度關而西乃求爲函谷關令預敕關吏孫景曰若有形容殊俗車服異常者勿聽過時昭王二十三年七月老君果乘白輿駕青牛欲度關關吏入白喜喜曰今我得見聖人矣卽具朝服出迎跪伏邀之曰願暫留

神駕老君謝曰吾貧賤老叟居在關東田在關西今暫往取新何故見留喜復稽首曰久知大聖當來西游暴露有日願少憇神駕老君曰聞開道竺軋有古先生是以身就道經歷子關何過留耶喜曰觀大聖神姿超絕乃天上至尊邊

夷何足往觀老君曰子何所見而知喜曰去冬十月天理星西行過昂自今月朔融風三至東方真氣狀如龍蛇而西變此大聖人之徵老君乃怡然咲曰善哉子之知吾吾亦已知子矣喜再拜曰敢問大聖姓字老君曰吾姓字渺渺從劫至劫非可盡說吾今姓李字伯陽號曰老聃喜於是就官舍設座供養行弟子禮老君乃爲喜開關下百餘日盡傳以內外修煉之法時老君之御者徐甲少賃於老君約日願百錢至關時當七百三十萬錢甲見老君去官遠適亟來索錢老君謂曰吾往西海諸國還當以黃金什直償爾甲如約及至關飯青牛於野老君欲試之乃以吉祥草化爲一美女行至牧牛之所能以言戲甲甲惑之欲留遂負前約乃詣關令訟老君索傭錢老君謂甲曰汝隨我二百餘年汝久應死吾以太玄生符與汝所以得至今日汝

何不念此而乃訟吾言訖符自口中飛出甲自成一白骨喜乃爲甲叩頭請赦其罪以賜更生老君復以太玄生符投之甲卽立生喜乃以錢償甲而禮遣之一日老君謂喜曰古先生者卽吾之身嘗化乎竺乾今將返神還乎無名吾今逝矣喜叩首請待行老君曰吾遊乎天地之表嬉乎玄冥之間四維八極上下無邊子欲隨吾烏可得焉喜曰入火赴淵下地上天灰身沒命

願隨大仙老君曰汝雖骨相合道然受道日淺安得行化諸國也於是復以道德五千言授之期曰千日之外可尋吾於屬青羊之肆也言訖身坐雲華冉冉昇空光燭館舍五色玄黃良久乃歿喜目斷雲霄涕泣扳戀名之曰西昇經喜乃屏絕人事自著書九篇號闔尹子至丁巳歲卽往西屬尋訪青羊之肆老君以甲寅年昇天至乙卯歲復從太微宮分身降生於蜀國大官

李氏之家已先敕青龍化生爲羊色如青金常在所生嬰兒之側愛玩無斁忽一日失羊童子尋覓得於市肆喜至蜀徧問居人無青肆者忽見童子牽羊因問此誰家羊牽欲何往童子答曰我家夫人生一兒愛玩此羊失來兩日兒啼不止今卻尋得欲還家喜卽囑曰願爲告夫人之子云尹喜至矣童子入告兒卽賑衣而起曰令喜前來喜旣入其家庭宇忽然高大湧出蓮

花之座兒化數丈白金之身光明如日項有圓光坐於蓮花座上舉家驚怪兒曰吾老君也太微是宅真一爲身主客相因何乃怪耶喜將慰無量稽首言曰不謂復奉天顏老君曰吾向留子者以子初受經訣未克成功是以待子於此今子保形煉色已造真妙心結紫絡面有神光金名表於玄圃玉扎繫於紫房也卽命五老上帝四極鑑真授喜玉冊金文號文始先生位爲

無上真人居二十四天王之上統領八萬仙士
自此方得飛騰虛空參得龍駕



李八百

李八百蜀人名真居筠陽五龍岡歷夏商周年
八百歲動行則八百里時人因號爲李八百或
隱山林或居廬市又修煉於華林山石室丹成
還蜀中周穆王時居金堂山蜀人歷代見之號
紫陽真君



丁令威

丁令威本遼東人學道於靈虛山後化鶴歸集
華表而吟曰有鳥有鳥丁令威去家千歲今來
歸城郭如故人民非何不學仙塚壘壘



鬼谷子

鬼谷子春秋時人姓王名詡嘗入雲夢山採藥
 得道顏如少童居青溪之鬼谷蘇秦張儀徃問
 道三年辭去子遺之書曰二足下功名赫赫但
 春華至秋不得久茂今二子好朝露之榮忽長
 久之功輕喬松之永延貴一旦之浮爵夫女愛
 不極席男歡不畢輪痛哉鬼谷處人間數百歲
 後不知所之有陰符鬼谷子二書行於世



4

十一

十一

劉越

劉越周時有匡先生名續修于南嶂山時有一少年數來相訪言論奇偉先生異之問曰觀子風猷有日矣僭問鄉邦姓字答曰姓劉名越居在山之左山下有石高二丈許叩之卽當相延先生如其語訪之叩石石忽自開雙戶洞啓一小鬟迎先生行數十步繼有二青衣絳節前導漸見臺榭參差金碧掩映珍禽奇獸草木殊異真人冠玉冠朱綬劍佩來迎先生意欲留居之真人謂先生曰子陰功未滿後會可期他日相從未晚也飲玉酒三爵延齡保命湯一啜而出先生返顧所叩之石宛然如初他日復叩無所應矣

真入谷以爲日
以爲日何如
以爲日何如
以爲日何如
以爲日何如
以爲日何如
以爲日何如
以爲日何如
以爲日何如
以爲日何如



太山老父

太山老父者莫知其姓名漢武帝東巡狩見老父鋤于道間狀如五十許人而面若童子頭上白光高數尺恠而問之老父荅曰臣年八十五時衰老垂死頭白齒落有道士教臣絕穀服木飲水并作神枕枕中有三十二物其二十四物以象二十四氣其八物以應八風臣導行之轉老爲少髮白更黑齒落更生曰行三百里臣今年八十矣武帝愛其方賜之命帛老父後入太山中或十年五年一還鄉里三百餘年乃不復還也

卷之五

五



Blank page with faint vertical lines and ghosting of text from the reverse side.

白石生

白石生中黃丈人弟子彭祖時已二千餘歲不
愛飛昇但以長生爲貴而已以金液爲上藥家
貧不能得養豬牧羊十數年致富萬金乃買藥
服之嘗煮白石爲糧因就白石山居遂號白石
生亦時食脯亦時辟穀日能行三四百里顏色
如三十許人或問何以不愛飛昇答曰天上未
必樂於人間也



安期生

安期生瑯琊阜鄉人喜藥海邊時人皆呼千歲
公秦始皇請見與語三夜賜金帛數萬出於阜
鄉亭皆置去留書并赤玉烏一量為報曰後千
歲求我於蓬萊山下始皇遣使者數輩入海求
之未至蓬萊山輒遇風波而還乃立祠阜鄉亭
并海邊十處



東方朔

東方朔字曼倩嘗出經年兄曰汝經年一歸何以慰我對曰朔暫之紫泥海有紫水汚衣乃過虞淵前洗朝發中還何云經年漢武帝時上書曰臣朔少失父母長養兄嫂今年二十二長九尺三寸口若懸珠齒若編貝勇若孟賁捷若慶忌廉若鮑叔信若尾生若此可以爲天子臣矣臣朔冒死再拜以聞朔文辭不遜高自稱譽上

偉之令待詔公車又遷待詔金馬門賜之食於前食盡懷其餘肉衣盡汗數賜縑帛擔揭而去嘗用所賜錢帛取少婦於長安中一歲卽棄去更取所賜物盡填之女子人皆笑之朔曰如朔所謂避世於朝廷間者時酒酣據地歌曰陸沉於俗宮殿可以避世全身何必深山之中蒿廬之下朔將死謂同舍郎曰天下人無能知朔知朔者惟大伍公耳朔亡後武帝召大伍公問之

答以不知帝曰公何所能曰頗善星曆帝問諸
星具在度否曰諸星皆在獨不見歲星四十年
今復見耳帝仰天嘆曰東方朔在朕傍十八年
而不知爲歲星因慘然不樂



鍾離權

鍾離權燕臺人後改名覺字寂道號王陽子又號雲房先生父爲列侯宦雲中誕生真人時異光數丈侍衛皆驚真人頂圓額廣耳厚眉長目深鼻聳口方頰大唇臉如丹乳遠臂長如三歲兒晝夜不聲第七日躍然而言曰身遊紫府名書玉京及壯仕漢爲大將征吐蕃失利獨騎奔逃山谷迷路夜入深林遇一胡僧蓬頭拂額體

掛草衣引行數里見一村庄曰此東華先生成道處將軍可以歇息矣揖別而去真人未敢驚動庄中良乂聞人語云此必碧眼胡人饒舌也一老人披白鹿裘扶青藜杖抗聲前曰來者非漢大將軍鍾離權耶汝何不寄宿山僧之所真人聞而大驚知爲異人是時方脫虎狼之穴遽有鸞鶴之思乃回心向道哀求度世之方於是老人授長生真訣及金丹火候青龍劍法真人

辭去回顧莊居不見其處後再遇華陽真人傳
以太乙刀圭火符內丹雲遊至魯居鄒城入壘
峒於紫金四皓峰居之得玉匣秘訣遂仙去

仙

卷一

三十一



五

六

七

馬成子

馬成子秦扶風人性喜恬退不樂紛榮嘗自嘆
曰人生若流電爾柰何久戀塵寰中於是棄家
訪道入蜀之鶴鳴山石室中修煉二十餘年後
遇異人授以神丹曰氣爲內丹藥爲外丹子得
此服之當列爲上仙矣言訖而去成子遵其術
行之遂白日昇天



黃安

黃安代郡人年萬歲餘貌若童子常服硃砂舉身皆赤不着衣坐一神龜龜廣二尺時人問安坐龜幾年曰三千歲乃一出頭我得龜以來已五出頭矣行則負龜而趨漢武帝聞其異乃與論虛無神仙之事帝每屈禮焉及封泰山詔董謁李克孟岐郭瓊黃安五人同輦謂之仙臣帝崩後不知所之



劉海蟾

劉玄英號海蟾子明經事燕主劉守光爲相雅喜性命欽崇黃老一日忽有道人自稱正陽子來謁海蟾邀坐堂上待以賓禮道人爲演清靜無爲之宗金液還丹之要旣竟乃索鷄卵十枚金一十文以一文置之几上累十卵於金錢若浮圖之狀海蟾驚異之曰危哉道人曰人居榮祿之場履憂患之地其危殆甚復盡以其錢劈破擲之遂辭去海蟾繇此大悟遂解印辭朝易服從道遁迹終南山下丹成尸解有白氣自頂門出化鶴冲天



Faint, illegible text or bleed-through from the reverse side of the page, possibly arranged in columns.

浮丘伯

浮丘伯姓李隱居嵩山服黃精二十年髮白返
黑齒落更生久之道成白日飛升嘗作原道歌
云虎伏龍亦藏龍藏先伏虎但畢河車功不用
提防拒諸子學飛仙狂迷不得住左右得君臣
四物相念護乾坤法象成自有真人顧



劉晨

劉晨剡縣人漢永平中與阮肇入天台採藥路迷不得返經十三日饑渴甚望山上有桃實共取食之下山取澗水飲見一杯流出中有胡麻飯焉二人喜曰此近人家矣遂度山出一大溪溪邊有二女色甚美顧笑曰劉阮二郎捉杯來耶劉阮異之二女懽然如舊曰來何晚耶即邀還家南壁東壁各有羅帷絳帳命侍女具饌有胡麻飯山羊脯甚平美食畢行酒俄有群女持桃笑曰賀汝婿來酒酣作樂夜半各就一帳宿婉態殊絕至十日求還苦留半年氣候草木常似春百鳥啼响歸思更切二女曰罪根未滅使君等至此遂指示還路及歸鄉邑零落已七世矣再往女家尋覓不獲晉太康八年失二人所在



This page is mostly blank, featuring a large, vertical strip of white paper pasted over the left side. Faint, illegible vertical text is visible through the paper. On the right side, there are several vertical lines, likely serving as guides for text or as part of a decorative border.

魏伯陽

魏伯陽吳人性好道術不樂仕宦乃入山作神丹時三弟子知兩弟子心不盡誠丹成試之曰金丹雖成當先試之大犬無患方可服若犬死不可服也伯陽卽以丹與犬食之犬卽死伯陽曰作丹未成無乃未得神明意耶服之恐復知犬柰何弟子曰先生服之不伯陽曰吾背違世路委家于此不得仙吾亦耻歸死與生同吾當

服之伯陽服丹入口卽死一弟子曰師非凡人也服丹而死得無有意乎亦服之入口亦死二弟子乃相謂曰作丹求長生爾今服丹卽死不如此不服乃共出山爲伯陽及死弟子求殯具伯陽卽起將煉成妙丹納死弟子及犬口中須臾皆活於是將服丹弟子姓虞者同犬仙去逢入山伐薪人作手書寄謝二弟子嘗作叅同契凡二卷其說似解周易其實假借爻象以寓作丹

之旨



張道陵

張道陵字輔漢子房八世孫身長九尺二寸龐
眉廣額朱頂綠睛隆準方頤目有三角伏犀貫
頂垂手過膝龍蹲虎步望之儼然漢光武建武
十年生於天目山母初夢大人自北魁星中降
至地以薔薇香授之既覺滿室異香經月不散
感而有孕及生日黃雲籠室紫氣盈庭室中光
氣如日月七歲通道德經河洛圖緯之書皆極
其奧舉賢良方正身雖仕而志在修煉入蜀愛
蜀中溪嶺深秀遂隱於鶴鳴山弟子有王長者
習天文通黃老相與煉龍虎大丹三年丹成真
人年六十餘餌之若三十許人與王長入北嵩
山遇繡衣使者告曰中峯石室藏上三皇內文
黃帝九鼎太清丹經得而修之乃昇天也於是
真人齋戒七日入石室跏然有聲掘地取之果
得丹書精思修煉能分形散影每泛舟池中誦

經堂上隱几對客杖藜行吟一時並起人皆莫測西城房陵間有白虎神好飲人血每歲其鄉殺人祭之真人召其神戒之遂滅又梓州有大蛇時吐毒霧行人中毒輒歿真人以法禁之不復爲害順帝壬午歲正月十五夜真人在鶴鳴山夢覺惟聞鑾佩珊珊天樂隱隱瞪目東瞻見紫雲中素車一乘車中一神人容若冰玉神光照人不可正視車前一人勅真人曰子勿驚怖卽太上老君也真人禮拜老君曰近蜀中有六大鬼神枉暴生民深可痛惜子其爲吾治之以福生靈則子功無量而名錄丹臺矣乃授以正一盟威秘籙三清衆經九百三十卷符籙丹竈秘訣七十二卷雌雄劍二把都功印一枚且曰與子千日爲期後會閻苑真人乃叩頭領訖日味秘文按法遵修時有八部鬼帥各領鬼兵動億萬數周行人間暴殺萬民枉天無數真人奉

老君誥命佩盟威秘籙往青城山置琉璃高座
左供大道元始天尊右置三十六部真經立十
絕靈幡周匝法席鳴鍾扣磬布龍虎神兵衆鬼
卽挾兵刃矢石來害真人真人舉手一指化爲
一大蓮花拒之鬼衆復持火千餘炬來真人舉
手一指鬼反自燒遙謂真人曰師自住峨嵋山
何爲來侵奪我居處真人曰汝等殘害衆生所
以來伐汝擯之西方不毛之地奉老君命也自
今速當遠避勿復行病人間如違卽當誅戮無
留種鬼王不服次日復會六大魔王率鬼兵百
萬環攻真人乃以丹筆一畫衆鬼盡歿惟六魔
王什地不能起扣頭求生真人不顧復以丹筆
一裁此山遂分爲二六魔王欲度不能始大聲
哀求願往西方娑羅國居止焉真人乃許之倒
筆再畫六魔群鬼悉起真人命王長肩一大石
爲橋度之真人猶欲服其心謂之曰試與爾各

盡法力六魔曰惟命真人投身入火卽足履青
蓮而出鬼帥投火爲火所燒真人入水乘黃龍
而出鬼帥入水爲水所溺真人以身入石透石
而出鬼帥投石纔入一寸真人呪神符一道左
手指之鬼斃右手指之復生鬼帥左右指無生
無死鬼帥化八大虎犇攫而來真人化一獅子
逐之鬼帥化八大龍欲來擒師真人化金翅鳥
啄龍目睛鬼帥作五色雲昏暗天地真人化五
色日炎光輝灼雲卽流散鬼帥變化技窮真人
乃化一大石可重萬餘斤以藕絲懸之鬼帥營
上令二鼠爭齧其絲欲墮鬼帥同聲哀告再不
虐害生民真人遂命六大鬼王歸於北酆八部
鬼帥竄於西域鬼衆猶躊躇不去真人乃口勅
神符一道飛上層霄須臾風雨雷電刀兵畢至
群鬼滅影而遁真人至蒼溪縣雲臺山謂王長
曰此山乃吾成功飛騰之地也遂卜居修九還

七返之功一日復聆鑾珮天樂之音真人整衣
叩伏見老君千乘萬騎來集雲際徘徊不下真
人再拜老君乃命使者告曰子之功業合得九
真上仙吾昔使子入蜀但區別人鬼以布清淨
之化而子殺鬼過多又擅興風雨役使鬼神陰
景翳晝殺氣穢空殊非大道好生之意上帝正
責子過所以吾不得近子也子且退居勤行修
謝吾待子於無何有鄉土清八景宮中言訖聖
駕昇去真人遂依告文與王長遷鶴鳴山謂弟
子趙昇曰彼處有妖當往除之及至值十二神
女笑迎於山前因問曰此地有醜泉何在神女
曰前大湫是毒龍處之真人遂書一符化爲金
翅鳥向湫上盤旋毒龍驚舍湫而去遂得醜泉
後居民煮之有鹽十二神女各出一玉環來獻
曰妾等願事箕箒真人受其環以手緝之十二
環合而爲一謂曰吾投此環于井中能得之者

應吾夙命也神女競解衣入井爭取玉環真人
遂掩之盟曰令作井神無得復出彼方之民至
今不罹神女之害而獲鹹井之利真人重修二
十年乃復領趙昇王長往鶴鳴山一日午時忽
見一人黑幘綃衣佩劍捧一玉函進曰奉上清
真符召真人遊閩苑須臾有黑龍駕一紫輦玉
女二人引真人登車旋踵至闕群仙禮謁良久
忽二青童朱衣絳節前導曰老君至矣乃相與
騰空而上至一殿金堦玉砌或謂真人曰將朝
太上元始天尊也真人整衣趨進殿上移時殿
上勅青童諭真人以正一盟威之法使世世宣
布爲人間天師勸度未悟仍密諭飛昇之期真
人受命乃復還鶴鳴山桓帝永壽元年正月七
日五更初長昇見空中老君駕龍輿命真人乘
白鶴同往成都重演正一盟威之旨說北斗南
斗經畢老君復去真人欲留其神跡乃於雲臺

西北半崖間舉身躍入石壁中自崖頂而出其
山因成二洞九月九日在巴西赤城渠亭山中
上帝遣使者持玉冊授真人正一真人之號諭
以行當飛昇真人乃以盟威都功等諸品秘籙
斬邪二劍玉冊玉印以授其長子衡且謂長昇
曰尚有餘丹二子可分餌之今日當隨吾上昇
矣亭午群仙儀從畢至天樂擁導於雲臺峰白
日昇天時真人年一百二十三歲也



蕭史

蕭史得道好吹簫秦穆公以女弄玉妻之遂教
弄玉吹簫作鳳鳴有鳳來止其屋公爲作鳳臺
後弄玉乘鳳蕭史乘龍其昇天去



梅福

梅福字子真壽春人仕漢爲南昌尉見王莽專
政嘆曰生爲我酷形爲我辱知爲我毒身爲我
桎梏遂棄家求仙遍遊雁蕩南閩諸山至仙霞
山遇空同仙君授以內外丹法謂福曰汝緣在
飛鴻山福遂往結庵修煉丹成復還壽春一日
紫霧浮空金童玉女捧詔控鸞下福拜詔辭家
乘鸞而去人見福於宋元豐間封壽春真人



黃初平

黃初平晉丹谿人年十五牧羊遇道士引至金華山石室中四十餘年其兄初起尋之不獲後遇道士善卜起問之曰金華山中有一牧羊兒初起卽往見初平問羊安在曰在山東往視之但見白石磊磊初平叱之石皆成羊初起亦棄妻子學道後亦成仙



費長房

費長房汝南人曾爲市掾有老翁賣藥于市懸一壺於肆頭及市罷輒跳入壺中市人莫之見惟長房於樓上覩之異焉因往再拜翁曰子明日更來長房旦日果往翁乃與俱入壺中但見玉堂殿麗旨酒并有盈衍其中共飲畢而出翁囑不可與人言後乃就長房樓上曰我仙人也以過見責今事畢當去子寧能相隨乎樓下百

少酒與卿爲別長房使十人扛之猶不能舉翁笑而以一指提上視器如有一升許而二人飲之終日不盡長房心欲求道而念家人爲憂翁知乃斷一青竹使懸之舍後家人見之長房也以爲縊歿大小驚號遂殯殮之長房立其傍而衆莫之見於是隨翁入山踐荆棘於群虎之中留使獨處長房亦不恐又臥長房於空室以朽索懸萬斤石於其上衆蛇競來齧索欲斷長房

亦不移翁還撫之曰子可教也復使食糞糞中
有三蟲臭穢特甚長房意惡之翁曰子幾得道
恨於此不成柰何長房辭歸翁與一竹杖曰騎
此任所之頃刻至矣至當以杖投葛陂中長房
乘杖須臾來歸自謂去家適經旬日而已十餘
年矣卽以杖投陂顧視則龍也家人謂其死久
驚訝不信長房曰往日所葬竹杖耳乃發塚剖
棺杖猶存焉遂能醫療衆病鞭笞百鬼又嘗食
客而使使至宋市鮓酒史還乃飯桓景嘗學于
長房一日謂景曰九月九日汝家有大災可作
絳囊盛茱萸繫臂上登高山飲菊花酒禍可消
景如其言舉家登山夕還見牛羊雞犬皆暴死
焉



Vertical columns of text, likely bleed-through from the reverse side of the page. The text is faint and difficult to read, but appears to be organized into several columns. The paper is aged and shows signs of wear, including a large white patch on the right side.

藍采和

藍采和不知何許人常衣破襪衫六銖黑木腰帶闊三寸餘一脚着靴一脚跣足夏則衫內加絮冬嘗臥雪中氣出如蒸每於城市乞索持大拍板長三尺餘醉而踏歌老少皆隨看之似狂非狂歌詞率爾而作皆神仙意人莫之測得錢則用繩穿拖之而行或散失亦不顧或贈貧者或與酒家周遊天下人有自兒童時見之者及班白見之顏狀如故後於濠梁酒樓上飲酒聞有笙簫聲忽然乘鶴而上擲下靴衫腰帶拍板冉冉而去



年七十五

...

麻衣子

麻衣子姓李名和生而紺髮美姿稍長歛世穢腐遂入終南山忽遇一道者授以道秘戒之曰南陽之間湍水之陽有山靈堂岩洞其旁神開汝鄉汝則往之可以翁神于蒼茫麻衣往求之遇樵者導其處居洞中十有九年晉義熙間大旱居民張奭率衆請雨麻衣以無術荅之請者不輟是夕有少年十二人謂麻衣曰若再請但許之麻衣恠而諾之翌日果大雨十二人復來拜曰吾屬龍也上帝以師道業成令輔師行化耳劉宋大明初年百有一歲儼坐而尸解



Faint vertical text columns on the right page, partially obscured by a white repair strip.

麻姑

麻姑仙人王方平之妹漢桓帝時方平降蔡經之家曰汝當得度世故來教汝但汝氣少肉多未能卽上天當作尸解乃告以要言而去經後忽身發熱如火三日肉消骨直入室以被自覆忽然失其所在視其被中但有形如蛇蛻後十餘年忽還家語家人曰七月七日王君復來當作酒數百斛以待其日方平果著遠游冠乘五

龍車前後麾節旌旗導衛如大將軍侍從旣至從官皆隱經父兄叅畢方平乃遣人迎麻姑少頃麻姑至經舉家見之年可十八許頂中作髻餘髮散垂至腰錦衣綉裳光彩耀目坐定自進行厨擗麟脯噐皆金玉時經婦新產麻姑見之乃曰噫且止勿前索少許米來擲地皆成丹砂方平笑曰麻姑猶作少年戲也姑云接待以來東海三爲桑田蓬萊水又淺矣方平亦曰聖人

皆言海中將復揚塵也麻姑手似鳥爪蔡經私
念背痒時得此爪搔之佳方平卽知乃鞭經皆
曰麻姑神人也汝謂其爪可搔背痒耶方平去
麻姑亦辭去



呂純陽

呂巖字洞賓唐蒲州永樂縣人號純陽子初母就蓐時異香滿室天樂浮空一白鶴自天而下飛入帳中不見生而金形木質鶴頂龜背鳳眼朝天雙眉入鬢少聰明日記萬言矢口成文身長八尺二寸狀類張子房二十不娶始在襁褓馬祖見曰此兒骨相不凡自是風塵物外他時遇廬則居見鍾則扣留心記取後遊廬山遇火

龍真人傳天遁劍法唐會昌中兩舉進士不弟時年六十四歲遊長安酒肆見一羽士青巾白袍偶書絕句於壁曰坐臥常携酒一壺不教雙眼識星都乾坤許大無名姓疎散人間一丈夫洞賓訝其狀貌竒古詩意飄逸因揖問姓氏羽士曰吾雲房先生也居在終南鶴嶺子能從遊乎洞賓未應雲房因與同憇肆中雲房自爲執炊洞賓忽就枕昏睡夢以舉子赴京狀元及弟

始自郎署擢臺諫翰苑秘閣及諸清要無不備
歷兩娶富貴家女生子婚嫁蚤畢幾四十年又
獨相十年權勢薰炙偶被重罪籍沒家資分散
妻孥流于嶺表一身孑然立馬風雪中方興浩
嘆恍然夢覺炊尚未熟雲房笑吟曰黃梁猶未
熟一夢到華胥洞賓驚曰先生知我夢耶雲房
曰子適來之夢升沉萬態榮悴千端五十年間
一瞬耳得不足喜喪不足悲世有大覺而後知

人世一大夢也洞賓感悟遂拜雲房求度世術
雲房試之曰子骨節尚未完欲求度世須更數
世可也翩然別去洞賓卽棄儒歸隱雲房自是
十試洞賓第一試洞賓自外遠歸忽見家人皆
病歿洞賓心無悔恨但厚備葬具而已須臾歿
者皆起無恙第二試洞賓鬻貨於市議定其值
市者翻然止酬其直之半洞賓無所爭委貨而
去第三試洞賓元日出門遇丐者倚門求施洞


宿卽與錢物而丐者索取不厭且加許言洞賓
惟再三笑謝第四試洞賓牧羊山中遇一餓虎
奔逐羣羊洞賓獨以身當之虎迺釋去第五試
洞賓居山中草舍讀書一女容華絕世光艷照
人自言歸寧迷路借此少憇旣而調弄百端洞
賓竟不爲動第六試洞賓一日郊出及歸則家
貲爲盜劫盡洞賓了無愠色躬耕自給忽鋤下
見金數十片速掩之一無所取第七試洞賓遇

賣銅器者市之以歸皆金也卽訪賣主還之第
八試有風狂道士陌上市藥自言服者立死再
世得道洞賓買之道士曰子速備後事可也輒
服無恙第九試春潦泛溢洞賓與衆共涉至中
流風濤掀湧衆皆危懼洞賓端坐不動第十試
洞賓獨坐一室忽見竒形怪狀鬼魅無數有欲
擊者有欲殺者洞賓絕無所懼忽聞空中一叱
聲鬼神皆不復見一人撫掌大笑而下卽雲房

也曰吾十試子皆無所動得道必矣吾今授子黃白之術濟世利物使三千功滿八百行圓方來度子洞賓曰所作庚辛有變異乎曰三千年後還本質耳洞賓愀然曰誤三千年後人不願爲也雲房笑曰子推心如此三千八百悉在是矣乃携洞賓至鶴嶺悉傳以上真秘訣又以靈寶畢法及靈丹數粒示洞賓授受間有二仙捧金簡寶符語雲房曰上帝詔汝爲九天金闕選

仙雲房謂洞賓曰吾赴帝召汝好住人間修功立德他時亦當如我洞賓再拜曰巖之志異於先生必須度盡天下衆生方願上昇也於是雲房乘雲冉冉而去洞賓既得雲房之道兼火龍真人天遁劍法始遊江淮試靈劍遂除蛟害隱顯變化四百餘年常遊湘潭岳鄂及兩浙汴譙間人莫知識自稱回道人宋政和中宮中有崇白晝見形盜金寶妃嬪上精齋虔禱奏詞凡六

十日晝寢見東華門外有一道士碧蓮冠紫鶴
擎手持水晶如意揖上曰臣奉上帝命來治此
祟卽召一金甲丈夫捉崇劈而啗之且盡上問
丈夫何人道士曰此乃陛下所封崇寧真君關
羽也上勉勞再四因問張飛何在羽曰張飛爲
臣累劫世世作男子身今已爲陛下生於相州
岳家矣上問道士姓名道士曰臣姓陽四月十
四日生夢覺錄之知其爲洞賓也自是宮禁帖
然遂詔天下有洞賓香火處皆正玅通真人之
號其神通玅用不能盡述後岳穆武父果夢張
飛託世故以飛命名云



山

廿六

十五

孫登

孫登字公和於汲郡北山上窟中住夏則編草
爲裳冬則披髮自覆善長嘯好讀易鼓一絃琴
性無喜怒嵇康從之遊三年問其所圖終不答
將別謂曰先生竟無言乎登曰子識火乎火生
而有光而不用其光果然在於用光人生而有
才而不用其才果然在於用才故用光在乎得
薪所以保其耀用才在乎識真所以全其年康
又請學琴登不教之曰子才多識寡難免于今
之世矣後康果遭呂安事在獄爲詩自責云昔
慚下惠今愧孫登登竟白日昇天



山
卷
十一

此頁文字模糊，疑似有文字但难以辨认。右侧有竖线框，可能为文字区域。

左慈

左慈字元放廬江人於天柱山中精思學道得石室中丹經尤明六甲能使鬼神坐致行厨變化萬象曹操名見閉一室斷穀暮年出之顏色如故操嘗宴賓曰今日高會所少松江鱸耳慈因求銅盆貯水以竿釣之卽得鱸操曰恨無蜀薑慈曰易得操恐近取卽曰前使買錦可報增二十段慈曰諾乃擲盃空中化鶴而去須臾袖

中出薑後買錦者回果云是日得報增錦操出郊從者百許慈爲齋酒一升脯一斤手自斟酌百官莫不醉飽操怪之行視諸壚悉亡其酒脯矣操惡其怪因收慈欲殺之慈乃卻入壁中霍然不知所在或見於市捕之而市人皆變形與慈同莫辨誰是或逢慈於陽城山頭因復逐之遂奔入羊群操知不可得乃令使告之曰不復相殺本試君術耳忽有一老羝屈前兩膝人立

而言曰遽如許使欲取之而群羊數百皆變爲
羝竝人立云遽如許亦莫知取焉



韓湘子

韓湘子字清夫韓文公猶子也落魄不羈遇純陽先生因從游登桃樹墮死而尸解來見文公文公勉之學湘曰湘之學與公異因作詩見志曰青山雲水窟此地是吾家子夜冷瓊液寅晨咀絳霞琴彈碧玉調爐煉白珠砂寶鼎存金虎芝田養白鴉一瓢藏造化三尺斬妖邪解造逡巡酒能開頃刻花有人能學我同共看仙葩公

覽曰子豈能奪造化耶公卽爲開樽果成佳醞復聚土無何開碧花一朶花間擁出金字一聯云雲橫秦嶺家何在雪擁藍關馬不前公讀之不解其意湘曰他日自驗未幾公以極諫佛骨事謫官潮州途中遇雪俄有一人冒雪而來乃湘也曰公能憶花間句乎公詢其地卽藍關嗟嘆久之曰吾爲汝足此詩卽韓集中一封朝奏九重天云云遂與湘宿藍關傳舍公方信湘之

不誣也湘辭去出藥一瓢與公曰服一粒可以
御瘴公愴然湘曰公不久即西不惟無恙且當
復用公曰此後復有相見之期乎湘曰前期未
可知也



曹國舅

曹國舅宋太后弟也因其弟每不法殺人深以爲耻遂隱跡山巖精思玄理野服葛巾經旬不食一日遇鍾離純陽二仙問曰聞子修養所養何物對曰養道曰道何在舅指天曰天何在舅指心二仙笑謂曰心卽天天卽道子親見本來面目矣遂授以還真秘術引入仙班



許真君

許遜字敬之號真君南昌人吳赤烏二年母夢金鳳銜珠墜於掌上翫而吞之因是有娠而生真君少小疎通與物無忤嘗從獵射一鹿鹿中之而斃鹿母皇顧舐之因感悟折棄弓矢尅意爲學博通經史尤嗜神仙修煉之術聞西安吳猛得了義神方乃徃師之悉受其秘日以修煉爲事時買一鐵燈檠因夜燃燈見漆剝處有光

視之金也明日訪售主還之晉武帝太康元年舉孝廉辟爲旌陽縣令吏民悅服歲饑民無以輸真君乃以靈丹點瓦礫成金令人潛瘞於縣圃一日藉民之未輸者使服力於圃民鋤地得金用以輸納遂悉安堵又歲大疫死者十七八真君以所得神方極治之他郡病民相繼而至於是標竹於郭外置符水於其中使就竹下飲之皆瘥久之知晉室將亂乃弃官東歸嘗憇於

栢林有女童五人各持寶劍來獻真君異而受之既而偕至真君之家惟日擊劍自娛真君知其劍仙也卒獲神劍之用既而與吳君遊於丹陽黃堂聞謔姆多道術遂同往叩以道妙姆曰昔孝悌王下降曲阜蘭公家謂蘭公曰後晉代當有神仙許遜傳吾此道留下金丹寶經銅符鐵券授吾掌之以俟子積有年矣今當授子乃擇日登壇出孝悌王諸秘悉傳之真君方以

每歲必來謁姆姆即覺之曰子勿來吾即還帝鄉矣因取香茅一根南望擲之曰子歸茅落處立吾祠歲秋一至足矣二君還覓訪飛茅之迹遂建祠宇每歲仲秋之三日必朝謁焉初真君往訪飛茅偶憇真靖見鄉民盛烹宰以祀神且相戒曰祭不腆則神怒降禍真君曰怪崇敢爾乃召風雷伐之拔其林木明日告其里人曰妖社已驅毋用祭也又見人苦遠汲乃以杖刺社

前涸澤出泉以濟之雖旱不竭渡小蜀江感江
千主人朱氏迎接甚勤乃戲畫一松於其壁其
家因之得利加倍後江漲潰堤市舍俱漂惟松
壁不壞真君往西安縣行過一小廟廟神迎告
曰此有蛟害民知仙君來逃往鄂渚矣真君至
鄂渚路逢三老人指曰蛟伏前橋下真君至橋
仗劍叱之妖蛟驚奔入大江匿于深淵乃勅吏
兵驅出遂誅之時海昏之上繚有巨蛇據山爲

穴吐氣成雲亘四十里人畜在其氣中者俱被
吞吸人爲民害真君聞之乃集弟子遂前至蛇
所仗劍布炁蛇懼入穴乃飛符召海昏社伯驅
之蛇始入穴舉手高十餘丈目若火炬吐毒衝
天真君嘯命風雷呼指神兵以攝伏之使不得
動乃飛步踏其首以劍劈其顙弟子施岑其戟
等引兵揮之蛇腹裂有小蛇自腹中出長數丈
其君欲斬之真君曰彼未爲害不可妄誅一千

二百五十餘年後爲民害吾當復出誅之以吾
壇前植栢爲驗其枝拂壇掃地是其時也又預
識云吾仙去後一千二百四十年間豫章之境
五陵之內當出地仙八百人此時小蛇若爲害
彼八百人自當誅之蛇子遂得入江真君曰大
蛇雖滅蛟精未誅恐其俟隙潰郡城吾歸郡乎
乃與甘施二君歸郡周覽城邑遇一少年通謁
自稱姓慎禮貌勤恪應對敏給遽告真君謂弟

子曰適來者非人卽老蛟故來見試也迹其所
之乃在郡城江澣化黃牛臥沙磧之上真君剪
紙化黑牛徃鬪之令施岑潛持劍徃俟其聞酣
卽揮之施君一揮中其左股牛奔入城南直至
長沙化爲人入賈玉使君之家先是蛟精嘗暮
玉之美女化爲一美少年謁之玉愛其才乃妻
以女居數載生二子常以春夏之交孑然而出
至秋則乘巨艦重載而歸蓋乘春夏大水覆舟

所獲也是秋空還給玉云財貨爲盜所劫且傷
左股玉求醫療之真君卽爲醫士謁玉玉喜召
壻出蛟精覺懼不敢出真君隨至其堂厲聲叱
曰江湖蛟精害物不淺吾尋蹤至此豈容復藏
速出蛟精計窮遂見本形蜿蜒堂下爲吏兵所
誅真君以法水誨其二子亦皆爲小蛟併誅之
真君謂玉曰蛟精所居其下深不踰尺皆洪波
也可速徙居玉乃遷高原其地果陷爲淵真君

復還豫章而蛟之餘黨甚盛慮真君誅之皆化
爲人詭言曰僕家長安積世崇善遠聞賢師許
君有神劍願聞其功弟子語之曰吾師神劍指
天天裂指地地折萬邪不敢當神聖之寶也蛟
黨曰亦有不能傷者乎弟子戲之曰惟不能傷
冬瓜葫蘆爾蛟黨以爲誠然盡化爲葫蘆冬瓜
浮泛滿江真君知爲蛟黨所化以劍授施岑履
水斬之悉無唯類由是水妖屏迹城邑無虞明

帝太寧二年大將軍王敦舉兵內向次慈湖真
君與吳君同往謁敦異說止之時郭璞在幕府
因璞與俱見敦喜延之飲而問曰予夢一木破
天君等以爲何如真君曰非佳兆也吳君曰木
上破天未字也公宜未可妄動敦色變令璞筮
之璞曰無成敦怒令武士擒璞斬之真君乃舉
杯擲地化爲白鵠飛繞梁棟敦一舉日已失二
君所在後敦敗二君還至金陵欲買舟至豫章

而舟人告以乏刺舟者真君曰爾但瞑目安坐
切勿覘視吾自爲汝駕之默召二龍挾舟而行
舟漸凌空俄過廬山頂至紫霄峯金闕洞舟人
拜求濟度真君教以服餌靈草遂得辟穀不歿
隱於此山二君各乘一龍以歸舊隱數十年間
不復以時事關意惟精修至道孝武寧康二年
真君一百三十六歲八月朔旦有二仙自天而
下云奉玉皇命授真人以九州都仙太史高明

卷二
三十九
大使之職并告以冲舉之日遂乘雲車而去是
月望日遙聞天樂之音祥雲冉冉羽蓋龍車從
宮兵衛仙童玉女前後導從乃揖真君昇龍車
真君與其父族侍從盱烈與其母部侍從仙春
四十二口同時白日拔宅昇天雞犬亦隨百里
之內異香芬馥經月不散



葛仙公

葛玄字孝先丹陽句容人號曰葛仙公從左慈受丹液仙經嘗與客食言及變化之事客曰願先生作一事爲戲玄曰君得無促促欲有所見乎乃嗽口中飯盡成大蜂數百集客身有間玄張口蜂皆飛入嚼之是舊飯也能指石人使行指蝦蟆及諸昆蟲燕雀之屬歌舞絃節皆如人狀或宴客冬設生瓜棗夏致冰雪無人傳杯杯

自至前如酒不盡杯不去也晉武帝召問曰百姓思雨可致乎玄曰易耳乃書符著社中俄頃大雨偶行遇一神廟凡過者離百步下車否則有警仙公乃命車直趨輒大風驟起塵埃蔽天仙公怒曰小邪敢爾乃書一符令從者投廟中廟屋自焚過武康見一人家病作請巫祀妖邪邪附巫者與仙公飲仙公故不飲而妖邪出語不遜仙公厲聲叱曰奸鬼敢爾敕五伯拽妖邪

頭附柱鞭背出血流地妖邪伏罪乃止過華陰見一士人溺于蛇精仙公化作一田夫驅黃犢而耕因說士人曰汝婦蛇精也前後啖人不計其數士人不之信乃引士人看古井井中白骨盈積士人恐遂教士人密窺其跡士人乃窺之果蛇也仙公禁而斬之卽以一符與士人服卽瀉下蚯蚓蝦蟆之類無數遂得全生嘗在荆門軍紫蓋山修煉值天寒大凍仙公跣足衣衫襤

縷時有屈家二女偶見憐之夤夜促成雙履次日獻之仙公已去但存爐灰尚溫二女揆灰得丹一粒姊妹分而服之自後神氣沖沖不饑不渴時人咸謂得仙矣嘗從吳主各船行至三江口遇風船多漂沒仙公船亦不知所在吳主嘆曰葛仙公有道何不能免此踰宿忽見仙公水上步來旣至尚有酒態謝曰昨伍子胥強邀留飲是以淹屈陛下嘗于西岑石壁上石臼之中

搗藥遺墜一粟許有飛禽遇而食之遂得不死
至今月白風清之夜其禽猶作丁當杵臼之聲
名曰搗藥烏仙人琴高聞仙公得道自東海跨
雙鯉來訪仙公與之酣飲既醉高臥白雲間酒
醒雙鯉化爲石矣仙公贈以雙鶴跨之而還石
至今存嘗有客從仙公泛舟見囊中有十數符
客曰此符驗可見不仙公卽取一符投水中逐
水而下客曰常人投之亦然仙公復取一符投
之逆水而上客曰異矣仙公復取一符投之卽
不上不下須臾上符下符會于中流良久收之
又于水濱見鬻大魚者謂魚主曰欲假此魚到
河伯魚者曰已歿矣曰亦可以丹書紙納魚口
中投于水躍然而去如此神異不能盡述後仙
去



多... 不... 入... 下... 五... 中... 又... 之...
... ..
... ..
... ..
... ..
... ..
... ..
... ..
... ..
... ..
... ..

何仙姑

何仙姑廣州增城縣何泰女也生而頂有六毫
年十四五夢神人教曰食雲母粉當輕身不
因餌之遂誓不嫁常往來山谷其行如飛每朝
去暮則持山菓歸遺其母後漸辟穀武后遣使
召赴闕中路復失去景龍中白日昇仙天寶九
載見于麻姑壇立五已雲中大曆中又現身于

廣州小石樓



張果

張果隱於恒州中條山往來汾晉間得長生秘術常乘一白驢日行數萬里休息時折疊之其厚如紙置于巾箱中乘則以水噀之復成驢唐太宗高宗徵之不起武后召之出山佯歿於茹女廟前時方炎暑須臾臭爛生蟲於是則天信其歿矣後有人於恒州山中復見之開元二十三年明皇詔通事舍人裴晤馳驛於恒州迎之

果到東京於集賢院安置備加禮敬帝問神仙不答善息氣累日不食數飲酒上賜之酒辭曰小臣飲不過二升有一弟子可飲一斗明皇喜令召之俄頃一小道士自殿簷飛下年可十五六美姿容步趣閑雅明皇命坐果曰弟子當侍立明皇愈喜賜酒飲及一小斗果辭曰不可更賜過度明皇因逼賜之醉酒從頂上湧出冠衝落地忽化爲金盃上及嬪御皆驚笑視之失道

士矣但金盃在地驗之乃集賢院中盃也盃僅貯一斗酒帝謂高力士曰吾聞飲葦而無苦者奇士也時天寒因取以飲果三進頽然曰非佳酒也乃寢頃視齒焦縮顧左右取如意擊墮之藏帶中出藥傅之良久齒復出粲然如玉上狩咸陽獲一大鹿將令大官烹之果曰此仙鹿也已滿千歲昔漢武帝元狩五年臣曾侍從畋于上林獲此鹿乃放之上曰鹿多矣時遷代變豈


常存乎果曰武帝放之時以銅牌誌於左角下遂命驗之果有銅牌二寸許但文字凋落耳上問葉法善曰果何人也答曰臣知之然臣言之即死故不敢言若陛下能免冠跣足救臣臣方敢言上許之法善曰混沌初分白蝙蝠精言未絕七竅流血僵仆於地上遽請果所免冠跣足自稱其罪果徐曰此兒多口過不罰之恐泄天地之機耳上復哀懇久之果以水嚙其面法善

卽時復生帝益重之詔圖形集賢院號通玄先生
果屢陳老病乞歸恒州天寶初明皇遣使徵
立棲霞觀祀之



黃野人

黃野人葛洪弟子洪棲山煉丹野人常隨之洪
既仙去留丹于羅浮山柱石之間野人得一粒
服之爲地行仙後有人遊羅浮宿石巖間中夜
見一人無衣而絀毛覆體意必仙也乃再拜問
道其人了不顧但長笑數聲聲振林木復歌曰
雲來萬嶺動雲去天一色長笑兩三聲空山秋
月白其人歸道其形容卽野人也



子
十
一



天
崖
藏
書

司馬真人

司馬承禎字子微事潘師正傳辟穀導引之術
遍遊名山唐睿宗迎至京帝問其術對曰爲道
日損損之又損以至於無爲帝曰治身則甬治
國若何對曰身猶國也游心於淡合氣於漠與
物自然而無容私焉則天下治帝嘆詠曰廣成
子之言何以加此辭歸天台盧藏用指終南山
曰此中大有佳處何必天台對曰以僕觀之是

仕宦之捷徑爾盧初隱終南後登庸聞言殊有
慚色開元中文靖天師與承禎赴千秋節齋直
長生殿中夜行道畢隔雲屏各就枕微聞若小
兒誦經聲玲玲如金玉天師乃褰裳躡步聽之
見承禎額上有一小日如錢光耀一席逼而視
之乃承禎腦中之聲也天師還謂其徒曰黃庭
經云泥丸九真皆有房方圓一寸處此中先生
之謂乎一日謂弟子曰吾今爲東華君所召必

須往俄頃化去如蟬脫弟子葬其衣冠焉時年
八十有九有修真秘旨坐忘論等書行於世



王質

王質晉衢州人入山伐木至石室山見石室中
有數老人圍棋質置斧觀之老人以物如棗核
與質令含咽其汁便不覺饑渴且告云汝來已
久可還質取斧柯已盡爛矣質亟歸家已數百
年親舊無復存者復入山得道人徃徃見之



陶弘景

陶弘景字道明秣陵人初母夢青龍自懷而出已而有娠生而幼有異操十歲見葛洪神仙傳晝夜研尋謂人曰仰青雲覩白日不覺爲遠矣及長身長七尺七寸神儀明秀朗目疎眉耳各有七十餘毛出外二寸許右膝有數十黑子作七星文讀書萬卷善琴棋工草隸弱冠齊高帝作相引爲諸王侍讀雖在朱門閑影不交外物

惟以披閱爲務永明十年脫朝服掛神武門上表辭祿詔許之乃止于句容之茅山立館號曰華陽隱居徧歷名山尋訪仙藥每經澗谷必坐卧其間吟詠盤桓不能已沈約爲東陽守高其志節累書邀之竟不至弘景爲人員通謙謹出處冥會心如明鏡遇物便了永元初架二層樓弘景處其上與物遂絕惟一家僮得至其所元善騎射晚皆不爲雅聽吹笙而已特愛松風庭

仙傳 卷三 五
院皆植松每聞其響欣然爲樂有時獨游泉石
望見者咸以爲仙人及梁武禪代弘景援引圖
讖數處皆成梁字令弟子進之武帝恩禮愈篤
及得神符秘訣以爲神丹可成而苦無藥物帝
給黃金朱砂等物乃合飛丹色如霜雪服之體
輕帝服亦驗益敬重之屢加禮聘並不就惟畫
兩牛一牛散放水草之間一牛著金籠頭有人
執繩以策驅之武帝笑曰此人欲數曳尾之龜

豈可復致國家每有大事無不咨之時謂山中
宰相年逾八十無異壯容後簡文帝臨南徐州
欽其風素退居後堂召之弘景葛巾進見與談
數日而去帝甚爲敬異其弟子桓闔得道將昇
天弘景問曰某行教修道勤亦至矣得非有過
尚淹延在世乎乃托闔探之闔昇天後還謂弘
景曰師之陰功極著但所修本草多用虫虫水
蛭之類功雖及人亦傷命物以此一紀後方解

形拂世為蓬萊都水監耳弘景復以草木之藥
 可代物命者著別行本草三卷以贖其過一日
 無疾自知應逝逆尅亡日仍作告逝詩大同二
 年卒時年八十五顏色不變屈伸如常香氣累
 日氤氳滿山



裴航

裴航唐長慶中書生因下第遊于鄂渚謁故舊
崔相國相國贈錢二十萬遂挈歸于京因傭巨
舟載於襄漢聞同載有樊夫人國色也航無由
覩面因侍婢裊烟而達詩一章曰向爲胡越猶
懷想况遇天仙隔錦屏儻若玉京朝會去願隨
鸞鶴入青冥數日後夫人亦使裊烟答詩一章
云一飲瓊漿百感生玄霜搥盡見雲英藍橋便

是神仙窟何必崎嶇上玉京航覽之空愧佩而
已然亦不能洞達詩之旨意及抵襄漢夫人使
婢挈粧奩不辭而去航遍求訪竟無蹤兆後經
藍橋驛因渴甚下道求飲見茅屋三四間有老
媪緝麻其下航揖媪求漿媪咄曰雲英携一甌
漿來郎君飲航憶夫人詩有雲英之句正訝之
俄葦簿之下雙手如玉捧出瓷甌航接飲之不
啻玉液也因還甌遽揭簿見一女子光彩照人

航愛慕不已因白嫗曰某僕馬甚乏願少憇於此嫗曰任郎君自便耳良久告嫗曰向睹小娘子艷麗驚人姿容耀世所以躊躇而不能去願納厚禮而娶之可乎嫗曰老病只有此孫女昨有神仙與靈藥一刀圭但須玉杵臼擣之百日方可就吞若欲娶此女者須得玉杵臼其餘金帛吾無用處耳航拜謝曰願以百日爲期必携杵臼至幸無復許人嫗曰如約航至京遍訪玉

杵曰忽遇一貨玉翁曰近有一玉杵臼非二百緡不可得航乃傾囊兼賣僕馬方及其值輒步驟獨携而抵藍橋嫗見大笑曰世間有如此信士乎遂許以爲婚女亦微笑曰雖然更爲擣藥百日方議婚好嫗於襟帶間解藥付航航卽擣之每夜猶聞搗藥聲航窺之見玉兔持杵而舂百日足嫗持藥而吞之曰吾當入洞而告姻戚爲裴郎具幃帳遂挈女入山謂航曰但少留此

逡巡車馬隸人迎航見一大第連雲朱扉晃日
仙童侍女引航入帳就禮訖航拜媪不任感荷
及引見諸姻戚皆神仙中人一女仙髮鬢靄示
云是妻之姊航拜訖女仙曰裴郎不意鄂渚同
舟而抵襄漢乎航愧謝左右曰是小娘子之姊
雲翹夫人劉綱仙君之妻也已列高真爲玉皇
之女史媪遂將航夫妻入玉峯洞中瓊樓珠室
而居之餌以絳雪瓊英之丹體漸清虛毛髮紺
綠神化自在超爲上仙至太和中友人盧顥遇
之於藍橋驛之西備說得道之事乃贈藍田美
玉十斤紫府雲丹一粒顥稽顥請曰兄旣得道
乞一言惠教航曰老子云虛其心實其腹顥猶
懵然復語之曰心多妄想腹漏精液虛實可知
也言訖忽不見



鐘

卷三

十

孫思邈

孫思邈華原人七歲日誦千言獨孤信見之曰
聖童也顧器大難爲用耳及長好談老莊隱於
太白山學道鍊氣養神求度世之術洞曉天文
精究醫藥務行陰德偶見牧童傷小蛇血出思
邈脫衣贖而救之旬餘出遊見一白衣少年下
馬拜謝曰吾弟蒙道者所救復邀思邈至家易
以已馬偕行如飛至一城郭花木盛開金碧炳

盤石曰可置藥於此石上有表錄謝使視石上
大書百餘字遂錄之隨駕隨滅須臾白氣漫起
因忽不見成都有一僧誦法華經甚專忽一日
有僕人至云先生請師誦經經過煙峴中入一
山居先生野服杖藜兩耳垂肩焚香出聽誦經
遂供僧以藤盤竹著秫飯一盂杞菊數甌僧食
之美若甘露復贈錢一緡僕送出路口僧因問
曰先生何姓曰姓孫曰何名僕於掌中手書思

觀
卷三
十一
觀
二字僧大駭視僕遽失不見視錢皆金錢也
僧自此身輕無疾後莫知所之



譚峭

譚峭字景升幼而聰敏文史涉目無遺獨好黃
老仙傳一日告父母出遊終南山師嵩山道士
十餘年得辟穀養氣之術常醉遊夏則服烏裘
冬則衣布衫或臥風雪中人謂已斃視之氣休
休然頗似風狂每行吟曰線作長江扇作天靴
鞋拋在海東邊蓬萊信道無多路只在譚生拄
杖前後居南嶽煉丹丹成服之後遂仙去



許宣平

許宣平新安歙縣人唐睿宗景雲中隱於城陽
山南塢結庵以居不修服餌顏若四十許人時
負薪賣於市擔上常掛一花瓢携曲竹杖每醉
吟騰騰以歸吟曰負薪朝出賣沽酒日西歸借
問家何處穿雲入翠微往來三十餘年或施人
危急或救人疾苦士人多訪之不得見但見庵
壁題詩曰隱居三十載築室南山巔靜夜翫明

月閑朝飲碧泉樵人歌隴上谷鳥戲巖前樂矣
不知老都忘甲子年夫寶中李白知宣平爲仙
於是遊新安訪之亦不得見乃題詩於庵壁曰
我吟傳舍詩來訪仙人居烟嶺迷高迹雲林隔
太虛窺庭但蕭索倚杖空躊躇應化遼天鶴歸
當千歲餘宣平歸見壁詩乃自題曰一池荷葉
衣無盡兩畝黃精食有餘又被人來尋着移庵
不免更深居其庵輒爲野火所燒莫知踪跡後

百餘歲至懿宗咸通十二年許明恕婢入山採
樵一日獨於南山中見一人坐石上食桃問婢
曰汝許明恕家婢耶婢曰是曰我卽明恕之祖
宣平也汝歸爲我何明恕道我在此山中與汝
一桃卽食之不得將出山山神惜此桃且虎狼
甚多也婢食之甚美須臾而盡乃遣婢隨樵人
歸婢覺稚擔甚輕到家具言入山逢祖翁宣平
明恕怒婢呼祖諱取杖擊之其婢隨杖身起不
知所逝後有人入山見婢復童顏遍身衣樹皮
行疾如飛入深林不見



玄真子

張志和字不同唐金華人母夢楓生腹上而生
肅宗擢明經賜名志和命待詔翰林後親喪不
復仕遨遊江湖自號烟霞釣徒又號玄真子垂
釣不設餌志不在魚也飲酒三斗不醉守真養
氣臥雪不寒入水不濡每酒酣鋪席水上獨坐
而酌席來去如舟俄有雲鶴旋後其止遂跨鶴
而昇



軒轅集

軒轅集不知何許人相傳數百歲顏色不老坐
暗室目光長數丈每採藥於岩谷則毒龍猛獸
隨之至爲衛護居常人家請齋者雖百處皆分
身而若與人飲酒則袖出一壺纔容二升賓客
滿座傾之彌日不竭自飲百升不醉遇病者以
布巾拂之應手而愈宣宗召入問長生可致不
答曰絕聲色薄滋味哀樂一致德施無偏自然

與天地合德日月齊明况長生久視乎及退上
以金盆覆白鵲令中使試之集曰皇帝安能更
令老夫射覆乎盆下白鵲宜早放之上笑曰先
生早知矣命坐御榻前令宮人侍茶湯集貌古
而布素宮人有笑之者元鬢髮朱唇年方二八
頃臾變爲老嫗鬢髮皤然因涕泣不已上令謝
之卽復故步京師素無苦葑荔枝花上因語及
頃刻二花並至枝葉如新時坐有相子集曰臣

山中亦有味更佳上曰無緣得矣集乃取御前
碧玉甌以寶盤覆之俄頃徹盤相子幾滿上食
之嘆曰美無比又問曰朕得幾年天子集取筆
書四十年但十字一起上笑曰朕安敢望四十
年乎久之辭還山命中使送之每見其於一布
囊內探錢施人比至江陵已施數十萬取之不
竭未及至山忽亡所在不日南海奏先生已歸
羅浮矣及宴駕只四十年也



陳希夷

陳搏字圖南號扶搖子亳州真源人初生不能言至四五歲戲渦水水濱有青衣媪引置懷中乳之卽能言敏悟過人及長經史一覽無遺先生曰向所學但足記姓名而已吾將遊泰山與安期黃石輩論出世法安能與世脂韋汨沒出入生死輪迴間哉乃盡散家業惟携一石鐺而去梁唐士大夫挹其清風得識其面如觀景星

慶雲然先生皆莫與交唐明宗親爲手詔召之先生至長揖不拜明宗待之愈謹以宮女三人賜先生先生賦詩謝曰雪爲肌體玉爲腮多謝君王送得來處士不與巫峽夢空煩雲雨下陽臺遂遜去隱武當山九石巖服氣辟穀凡二十餘年復移居華山時年已七十餘矣常閉門臥累月不起周世宗顯德中有樵於山麓見遺骸生塵迫而視之乃先生也良父起曰睡酣奚爲

擾我後世宗召見賜號白雲先生一日乘驢遊
華陰聞宋太祖登極拍掌大笑曰天下自此定
矣太祖召不至再召辭曰九重仙詔休教丹鳳
啣來一片野心已被白雲留住太宗初年始赴
召惟求一靜室乃賜居於建隆觀扃戶熟寐月
餘方起辭去賜號希夷先生一日道門人鑿石
室於張超谷旣成先生往造之曰吾其歸於此
乎遂以左手支頤而終七日容色不變肢體尚

溫有五色雲封谷口彌月不散年一百一十八
歲初兵紛時太祖之母挑太祖太宗於籃以避
亂先生遇之卽吟曰莫道當今無天子却將天
子上擔挑又遇太祖太宗與趙晉遊長安市入
酒肆普坐太祖太宗之右先生曰汝紫微垣一
小星爾輒處上次可乎种放初從先生先生曰
汝當逢明主名馳海內但惜天地間無完名子
名將起必有物敗之可戒也放晚年竟喪清節

傳
卷三
皆如其言有郭沆者少居華陰嘗宿觀下中夜
先生呼令速歸且與之俱往一二里許有人號
呼報其母卒先生因遺以藥使急去可救既至
灌其藥遂甦華陰令王睦謂先生曰先生居溪
巖寢止何室先生且笑且吟曰華山高處是吾
宮出卽凌空跨曉風臺榭不將金鎖閉來時自
有白雲封一日有一客過訪先生適值其睡見
傍有一異人聽其息聲以黑筆記之滿紙糊塗

莫辨客怪而問之其人曰此先生華胥調混沌
譜也先生嘗遇毛女毛女贈之詩詩云藥苗不
滿笥又更上危巔回指歸去路相將入翠烟太
宗聞先生善相人遣詣南衙見真宗及門亟還
問其故曰廝役皆將相也何必見王於是建儲
之議遂定先生以易數授穆伯長穆授李挺之
李授邵康節以象學授种放放授廬江許堅堅
授范諤至今糟粕猶存也



雷隱翁

雷隱翁名本少磊落不羣既長業進士再試卽
棄去默坐終日或詢其癡翁咲曰終不以吾癡
易汝黠一日以術授其子遂出遊不返宋元祐
間有朝士遊羅浮山見翁坐於樹下自吟一絕
云往往來來三十年更無踪跡落人間功成行
滿昇天去回首山頭月正圓



馬自然

馬湘字自然獨好經史工文學嘗與道侶徧游方外至湖州醉墮雲溪經日而出衣不沾濕言爲項羽相召飲指溪水令逆流指柳樹令隨水走來去指橋令斷復續一切小術無所不爲人或疾告者自然無藥但以竹拄杖打患處或以杖指之口吹杖頭作雷鳴便愈有以所帛謝者固讓不取強與之輒散與貧人登杭州泰望

山作詩曰太一初分何處尋空留歷數變人心九天日月移朝暮萬里山川自古今風動水光吞遠徼雨添颯氣沒高林秦皇謾作驅山計滄海茫茫轉更深後歸省兄兄適出謂嫂曰特歸與兄分此宅我惟愛東園耳待兄三日不歸遽卒明日兄歸感慟曰弟學道多年是歸託化以絕望耳乃棺斂遂窆之東園明年東川奏梓潼縣道士馬自然曰白日上昇詔杭州發其棺只

仙
卷三
一竹杖而已

卷三

十一



張紫陽

張栢端天台人少好學晚傳混元之道而未備
孜孜訪問徧歷四方宋熙寧二年遊蜀遇劉海
蟾授金液還丹火候之訣乃改名用成字平叙
號紫陽嘗有一僧修戒定慧能入定出神數百
里間頃刻卽到與紫陽雅志契合一日紫陽曰
禪師今日能與遠遊乎僧曰可願同往揚州觀
瓊花紫陽於是與僧處一靜室相對瞑目跌坐

出神紫陽至時僧以先至送花三匝紫陽曰可
折一花爲記少頃欠伸而覺紫陽曰禪師瓊花
何在禪師袖手皆空紫陽乃拈出瓊花與僧把
翫弟子因問紫陽曰同一神遊何以有有無之
異紫陽曰我金丹大道性命兼修是故聚則成
形散則成氣所至之地真神見形謂之陽神彼
之所修欲速見功不復修命直修性宗故所至
之地無復形影謂之陰神陰神不能動物也英

宗治平中訪扶風馬默處厚於河東乃以所著
悟真篇授處厚曰平生所學盡在是矣願公流
布此書當有因書而會意者元豐五年夏跌坐
而化住世九十九歲弟子用火燒化得舍利千
百大者如茨薺色皆紺碧識者謂曰此道書所
謂舍利耀金姿也後七年劉奉真遇紫陽於王
屋出留詩一張而去



李臯涕

李臯涕宋紹聖初劉延仲寓秀州嘗有道人過門或從求藥則以臯涕和垢膩爲丸與之病立効因自號李臯涕延仲延之坐曰今日適無酒爲禮道人笑曰床頭珍珠泉一尊何不出以待客劉大慚呼童取尊道人曰不必取但將空尊來尊至索紙覆之少焉香溢於外成美酒矣坐者皆醉明日劉有他客出所謂珍珠泉者而尊

中無涓滴矣一日詣劉別云後二十年某月某日當於真州相見至期劉卒於真州



仙
卷三

十一

歸元子

爾朱洞字微通少遇異人傳還元抱一之道因自號歸元子初隱蓬山後賣藥蜀漢間行動如飛逆旅主人每夕怪其屋有聲因窺之見其身自榻而升觸棟而止或於枯骸中得物如雀卵持以問洞洞曰繇服神丹而不能修煉故純陰剥消無陽與俱獨就丹田成此耳唐末王建圍成都洞亦在城中城久不下建約城陷日誅夷無

唯類洞乃施席作法籠攝建與三軍皆見神人乘黑雲叱建曰敢有禍吾民者禍卽反汝建等怖伏後入成都戒兵勿殺民不改肆洞賣丹藥每粒要錢十二萬時有某太守欲買之曰太守金多非一百二十萬不可太守以爲移言惑衆命納之竹籠沉於江中至涪陵上流二漁人乘舟而漁舉網出之乃洞也漁曰此必異人入定乎扣銅缶寤之少頃洞開目問漁人曰此去

銅梁幾何有三都乎漁人曰我白石江人此去
銅梁四百里自是而東卽豐都縣平都山仙都
觀也洞曰吾師謂吾遇三都白石浮水乃仙去
殆此地耶洞旣登岸語二漁人曰視子類有道
者亦有所傳乎一漁曰我昔從海上仙人得三
一之旨煉陽修陰亦有年矣洞於是索酒與劇
飲取丹分餌之至荔枝園中三人昇雲而去


附人



白玉蟾

葛長庚宋瓊州人母以白玉蟾名之應夢也年
十二應童子科後隱居于武夷山號東瓊子事
陳翠虛九年始得其道蓬頭跣足一衲弊甚喜
飲酒未見其醉博洽儒書出言成章嘗自讚云
千古蓬頭跣足一生服氣飡霞笑指武夷山下
白雲深處吾家雷印常佩肘間祈禳則有異應
時言休咎驚省聾俗嘗在京都遊西湖至暮墮

水舟人驚尋不見達旦則玉蟾在水上猶醺然
也一日有持刀追脅者玉蟾叱其人刀自墮而
走玉蟾招之曰汝來勿驚以刀還之時稱玉蟾
入水不濡逢兵不害宋嘉定中詔徵赴闕對玉
稱旨命館太一宮一日不知所往後每往來名
山神異莫測



陳泥丸

陳楠字南木號翠虛博羅人以盤橿籊桶爲生
後得太乙刀圭金丹法於毘陵禪師得景霄大
雷琅書於黎姥山神人能以符水檢土愈病時
人呼之爲陳泥丸時披髮日行四五百里鶉衣
百結塵垢滿身善食大肉終日爛醉嘗之蒼梧
遇郡禱旱翠虛執鐵鞭下潭驅龍須臾雷雨交
作過三山大義渡洪流舟不敢行翠虛浮笠而
濟行欽管道中遇羣盜拉殺之瘞三日盜散復
甦遊長沙衝帥節執拘送邕州獄數夕又回長
沙矣中夜坐或倉水銀越宿成白金以丹法授
白玉蟾寧宗嘉定間於漳入水而解去



Blank page with faint vertical lines and a large horizontal stain.

莫月鼎

莫月鼎諱洞一字起炎湖州人。生而秀朗肌膚如玉，雪雙目有光射人。入青城山，文人觀見，徐無極受五雷之法。於是月鼎自名雷師，驅使鬼魅，動與天合。時嬉笑怒罵，皆若有神物從之者。元世祖召見，時天色爽，憲帝曰：「可聞雷否？」月鼎曰：「可。」即取胡桃擲地，雷應聲而發。元主爲之改容，復命請雨，立至。元主大悅，賜以金繒。月鼎碎

截之以濟寒窶者，性愛酒，無日不醉，醉輒白眼望天，陰飈翛翛起，衣袖間嘗與客飲。西湖舟中當赤日如火，客請借片雲覆之，月鼎笑拾果殼浮觴而頊之。雲自湖濱起，翳于日下，蕃釐觀道士中秋方會飲，有雲蔽月，久不解。月鼎時遇觀中道士，知其所爲，急請赴筵。月鼎以手指之，雲散如洗，賣餅師積餅於筐，時被精怪竊去。月鼎召雷轟雲中，斬猢猻首于市。一人娶婦半路爲

白猿精所攝至門但空車焉月鼎禹步如有指
麾狀狂風忽作飄婦還舍婦云適在北高峯何
以忽然至此七十三歲一日屬其徒王繼華曰
明年正月十三日將化於汝家及期風雲雷雨
電交作索筆作偈書畢泊然而逝顏面如丹

傳
卷三
卅九



白猿精
卅九

馬鈺陽

馬鈺寧海人孫仙姑其妻也號丹陽子母初孕時夢麻姑賜丹一粒吞之覺而分瑞時金太宗天會五年也兒時常誦乘雲駕鶴之詩李無夢見而竒之曰額有三山手垂過膝真大仙之材孫君以女妻之生三子嘗題詩云抱元守一是工夫懶漢如今一也無終日啣杯暢神思醉中却有那人扶衆皆不曉其意一日王重陽祖師



自終南來訪之云宿有仙契既食瓜從蒂食起鈺問其故曰甘向苦中來又問從何方來曰不遠千里特來扶醉人鈺默念與前所作詩合異之遂師事焉重陽欲挽西遊鈺未能輒棄家業重陽多方點化鈺念始決遂以貲產付三子從居崑崙之煙霞洞孫仙姑在家結庵修煉二十餘年一日鈺謂門人曰今日當有非之喜輒歌舞自娛俄聞空中樂聲仰見仙姑乘雲而過仙

童玉女旌節儀仗擁導前後俯而告鈺曰先歸蓬島待君也於是夜坐談將二鼓風雷大雨震動遂東首枕肱而逝是夜鈺扣酒監郭復中門索筆書頌云長年六十一在世無人識烈雷吼一聲浩浩隨風逸少頊人云師已逝矣方悟所見者皆其陽神也



張三丰


張三丰遼東懿州人名君寶字玄玄生有異香
龜形鶴骨大耳圓目身長七尺鬚髯如戟頂作
一髻手持刀尺一笠一衲寒暑御之不飾邊幅
人目爲張獼獼日行千里靜則瞑目旬日所啖
斗升輒盡或辟穀數月自若也元末居寶鷄金
臺觀留頌辭世而逝土人楊斬山置棺殮訖臨
窆發視之復生乃入蜀洪武初至太和山修煉
結庵於玉虛宮庵前古木五株嘗栖其下久則
猛獸不距鷲鳥不搏人益異之後入武當當語
鄉人云茲山異日當大顯於時居二十三年拂
袖遊方而去



傳

卷三

三



寂光鏡

全

知光境引

慨自識浪障空迷雲鎖月茫、苦海渺
無津唯世尊羅漢諸菩薩放大光明普
照河沙世界用是興慈發願首建止觀
二法為羣生祛迷剔障令各自矚本來
古稱慈航寶筏語不虛已洪生自誠氏
幼慕紛華晚棲禪寂緣是遯諸佛菩薩

宋澤藏書

而爲之傳其神紀其事因以寂光境標
焉蓋從心得寂緣照生光祖竺乾氏宗
風爲世人開一方便法門於三乘教中
亦庶幾哉真實行慈者迺譚者又謂於
所有中妄立名相是謂平地生波從何
得入淨樂國土是不然機有淺深教有
頓漸大善知識悟般若真空不落聲聞
不墮色相洵無藉此贅疣彼初機小乘
覩善相而皈依聽法輪而悟入不假以
舟楫誰爲出迷途而登覺岬哉雖然有
不障無色不異空言一無言也相一非
相也具摩醯眼者願無生事理障

真實居士馮夢禎題



寶光境目

還初道人自誠甫次

西竺佛祖

釋迦牟尼佛

摩訶迦葉尊者

商那和修尊者

優波鞠多尊者

婆須密尊者

佛陀難提尊者

伏駝密多尊者

脇尊者

馬鳴大士

迦毘摩羅尊者

龍樹尊者

羅睺羅多尊者

僧迦難提尊者

伽邪舍多尊者

鳩摩羅多尊者

闍夜多尊者

鶴勒那尊者

師子比丘尊者

般若多羅尊者

中華祖師

菩提達摩尊者

慧可大師

僧璨大師

道信大師

弘忍大師

慧能大師

法融禪師

神讚禪師

從諗禪師

懷讓禪師

道一禪師

惠藏禪師

智威禪師

元珪禪師

智閑禪師

慧寂禪師

俱胝和尚

天然禪師

惟儼禪師

崇信禪師

破竈墮和尚

曇晟禪師

良价禪師

無住禪師

自在禪師

慧海禪師

道通禪師

豐干禪

寒山子

拾得子

布袋和尚

鳥窠和尚

誌公和尚

杯渡和尚

慧遠禪師

竺道生

佛圖澄

普化和尚

降魔禪師

道吾和尚

法明和尚

舡子和尚

目畢



卅

卅

釋迦牟尼佛

佛姓刹利初生時放大智光明照十方世界地湧金蓮華自然捧雙足分手指天地作獅子吼聲卽周昭王二十四年四月八日也年十九出家於檀特山中修道至穆王三年明星出時成佛號天人師時年三十矣旣而於鹿野苑中轉四諦法輪而論道說法住世四十九年後以清淨正法付弟子摩訶迦葉授以偈言云法本法無法無法法亦法今付無法時法法何曾法爾時至拘尸那城娑羅雙樹下右脇累足泊然寤寂時穆王五十二年二月十五日



佛
卷一
三
摩訶迦葉尊者

尊者姓婆羅門嘗爲鍛銀師善明金性使其柔
伏先是四衆爲毗婆尸佛起塔塔中像面金色
缺壞時有貧女將金珠往金師所爲飾佛面因
共發願願我二人爲無姻夫妻由是因緣九十
一劫身皆金色後生中天摩竭陀國婆羅門家
名曰迦葉彼此云飲光勝尊蓋以金色爲號也
慈是志求出家冀度諸有受清淨法眼於世尊
嘗結集於耆闍崛山賓鉢羅國因阿那比丘多
聞總持有大智慧乃以偈授之法法本來法無
法無非法何於一法中有法有不法說偈已乃
持僧伽梨衣入雞足山俟慈氏下生時周孝主
五年



商那和修尊者

尊者姓毗舍多在胎六年而生先是如來行化至摩空羅國見一青林枝葉茂盛語阿難曰此地百年後當有比丘善人於此轉妙法輪後百年果誕和修出家證道一日遊吒利國得優婆塞多以為給侍因問曰汝年幾耶答曰我年十七師曰汝身十七性十七耶答曰師髮已白為髮白耶為心白耶師曰我但髮白非心白也答曰我身十七非性十七也師知是法器遂以攝授云非法亦非心無心亦無法說是心法時是法非心法後隱於罽賓國南象白山中見瓊多五百徒眾皆依教奉行俱證無漏乃化火光三昧用焚其身時宣王二十三年也



優波鞠多尊者

尊者姓首陀十七出家二十證果隨方行化至
摩突羅國度者甚衆由是摩宮震動波旬恐怖
遂竭其魔力以害正法一日伺尊者入定密持
瓔絡縻之於頸及尊者出定乃取人狗蛇三屍
化爲花鬘輒言慰諭波旬曰汝與我瓔絡吾以
花鬘相酌波旬大喜引頸受之卽變爲三種臭
屍虫蛆穢爛波旬大生憂惱竭已神力不能解

脫乃泉露懺悔誓不燒害佛道尊者乃曰若然
汝可口自唱言歸依三寶魔王合掌三唱花鬘
悉除乃踊躍作禮而去尊者在世化導最多每
度一人以一籌置于石室其室盡皆充滿最后
有一長者子名曰香衆來禮尊者志求出家尊
者曰汝身出家心出家答曰我來出家非爲身
心尊者喜卽以偈授之云心自本來心本心非
有法有法有本心非心非本法說已乃踊身虛

空呈十八變然後跣跌而逝時平王三十一年

何

卷一

八



婆須密尊者

尊者姓頗羅薩常服淨衣執酒器游行里闍或
行或嘯人謂之狂及遇彌遮迦尊者宣如來往
誌遂投器出家授法行化至迦摩羅國遇一智
者自稱我名佛佗難提今與師論義師曰仁者
論卽不義義卽不論若擬論義終非義論難提
欽伏卽曰我願求道沾甘露味師遂授以如來
正法乃說偈曰心同虛空界示等虛空法證得


虛空時無是非無法說已卽入慈心三昧示涅
槃相時定王十九年



佛陀難提尊者

尊者姓瞿曇氏頂有肉髻辯捷無礙行化至提
伽國城毗舍羅家遇一長者出致禮問何所須
尊者曰我求侍者曰我有一子名伏駝蜜多年
已五十口未能言足未能履尊者曰此子昔曾
遇佛悲願廣大慮父母愛情難捨故不言不履
耳其子聞言遽起禮拜長者乃令受戒出家師
因以如來正法囑令行持且授偈云虛空無內

外心法亦如此若了虛空故是達真如理說已
卽現神變却復本坐儼然冥寂卽景王十二年



伏馱蜜多尊者

尊者姓毗舍羅既受佛陀難提付囑遂至中印度行化時有長者香蓋携一子來禮尊者曰此子處胎六十年因號難生曾會一仙者謂此兒當為法器今遇尊者欲令出家尊者即與落髮受戒羯磨之際祥光滿座仍感舍利三五粒現前自此精進忘疲師乃付以如來正法眼藏且授偈曰真理本無名因名顯真理受得真實法無真亦無偽付法畢即入滅盡三昧衆以香油旃檀闍維真體收舍利建塔於那爛陀寺即敬王三十五年也



卷一

十一

脇尊者

尊者本名難生後值伏馱尊者執侍左右未嘗
睡眠謂脇不至席遂號脇尊者焉將誕時父夢
一白象背有寶座座上安一明珠從門而入光
照四衆既覺遂生後受法行化至華氏國憇一
樹下時有長者一子名富那夜奢合掌前立尊
者問汝從何來答曰我心非往尊者曰汝何處
住答曰我心非止尊者曰汝不定耶曰諸佛亦
然尊者曰汝非諸佛曰諸佛亦非尊者乃曰如
來大法眼藏今付於汝汝謹護之授偈曰真體
自然真因真說有理領得真真法無行亦無止
付法訖卽入涅槃化火自焚時貞王二十二年



傳
卷一
其

馬鳴尊者

尊者既受法於夜奢尊者即至華氏國轉妙法輪忽有老人仆地不見俄從地湧出一金色人復又化爲女子而去師曰將有魔來與吾校力有頃風雨暴至天地晦冥空中忽現一大金龍奮發威神震動山岳師儼然於坐魔事隨滅經七日有一小虫潛形坐下師以手取之示衆曰此乃魔之所變汝聽吾法耳乃放之令去且告

之曰汝皈依三寶即得神通魔遂復本形作禮懺悔師曰汝名誰耶有何神力答曰我名迦毗摩羅能化巨海師曰汝能性海否曰何謂性海師曰山河大地三昧六神皆由茲發現迦毗摩羅聞言悟心遂求剃度師乃以如來正法付之且示偈云隱顯即本法明暗元無二今付悟了法非取亦非離偈已即挺身空中如日輪相然後示滅即顯王三十七年



迦毗摩羅尊者

尊者初爲外道有徒三千後於馬鳴尊者得法
領徒至西印度彼有太子名雲自在仰尊者名
請曰今我國城之北有大山焉山中有一石室
師可禪寂於此否尊者曰諾卽入彼山行數里
逢一大蟒盤繞師身師因與受三皈依蟒聽訖
而去將至石室遇一老人合掌問訊因告曰我
昔爲比丘因自起嗔恨墮爲蟒身住是窟中今
已千載適聞尊者法戒故來謝耳尊者問曰此
山更有何人棲止曰北去十里有大樹蔭覆五
百龍衆其樹王名曰龍樹嘗爲龍衆說法尊者
遂與徒衆詣彼龍樹見尊者默念曰此師得決
定性明道眼否是大聖繼眞乘否師曰汝雖心
語吾已意知但辦出家何憂不聖龍樹悔謝與
五百龍衆俱受戒焉尊者因授以偈云非隱非
顯法說是眞實際悟此隱顯法非愚亦非智付

法已即現神變化火焚身時赧王四十一年



天

卷一

十一

龍樹尊者

尊者受法於毗羅尊者後至南印度彼國之人
多信福業聞尊者說法私相謂曰人有福業世
間第一徒言佛性誰能見之尊者乃於地上湧
出白蓮座現自在身如滿月輪一切衆唯聞法
音不覩法相唯衆中有一長者子名迦那提婆
謂衆曰識此相否衆曰目所未覩安能辨識提
婆曰此是尊者現佛性體相以示我等蓋以無
相三昧形如滿月佛性之義廓然虛明言訖輪
相卽隱彼衆感悟咸願出家以求解脫尊者卽
爲剃髮授戒最後乃告弟子迦那提婆曰如來
大法今當付汝聽吾偈言爲明隱顯法方說解
脫理於法心不證無嗔亦無喜付法已卽入月
輪三昧凝然圓寂時始皇三十五年也



卷一

羅睺羅多尊者

尊者授法於迦那提婆尊者行化至室羅筏城
有河名曰金水中流忽見五佛影尊者告衆曰
此河之源凡五百里有聖僧伽難提居於波處
語已卽領衆泝流而上至彼見僧伽難提安坐
入定尊者與衆伺之經三七日方從定起尊者
問曰汝身定耶心定耶曰身心俱定尊者曰身
心俱定何有出入曰雖有出入不失定相如金
在井金體常寂尊者曰若金在井若金出井金
無動靜何物出入曰言金動靜何物出入謂金
出入金非動靜尊者曰若金在井出者何金若
金出井在者何物曰仁者師於何聖尊者曰我
師迦那提婆曰稽首提婆師而出於仁者仁者
無我故我欲師仁者尊者曰我已無我故汝須
見我我汝若師我故知我非我我難提心意豁
然卽求度脫尊者曰汝心自在非我所繫語已

佛
卷一
卽付法眼偈云於法實無證不取亦不離法非
有無相內外云何起說偈後宴坐歸寂卽漢武
帝二十八年也



僧迦難提尊者

尊者室羅筏城國王子也生而能言七歲卽厭
樂事懇求出家父母固止之遂終日不食父母
乃命禪利多爲之師一夕天光下屬尊者見一
路坦平不覺徐行約十里許至一大岩前有石
窟焉遂燕寂於中經十年尊者得法受記遂行
化至摩提國見山舍一童子持圓鑑直造尊者
前尊者問汝幾歲耶曰百歲尊者曰童子何言
百歲曰我不理會正百歲耳尊者曰汝善機耶
曰佛言人生百歲不會佛機未若生一日而得
決了之尊者曰汝手中鑑當何所表曰諸佛大
圓鑑內外無瑕翳兩人同得見心眼皆相似尊
者曰繼吾道者非子而誰卽付法偈云心地本
無生因地從緣起緣種不相妨華菓亦復爾說
偈已卽攀樹而化時漢昭帝十三年



卷一

伽那舍多尊者

尊者姓鬱頭藍初其母夢大神持鑑因而有娠
凡七日而誕肌體莹若琉璃未嘗洗沐自然香
潔幼好清淨嘗持鑑出遊遇難提尊者得度領
徒至大月氏國見婆羅門舍有異氣尊者直入
舍主鳩摩羅多問是何徒衆尊者曰是佛弟子
羅多聞佛號心神竦然卽時閉戶尊者自扣其
門握多曰此舍無人尊者曰答無者誰羅多知
是異人遂開關延接尊者因授法說偈云有種
有心地因緣能發明於緣不相礙當生生不生
付法已躡身虛空化火光三昧自焚其身時漢
成帝二十年



市

卷一

十一

市

卷一

十一

鳩摩羅多尊者

尊者生大月氏國婆羅門之子得道行化至中天竺國有大士名闍夜多問曰我家素信三寶而嘗蒙瘵疾鄰家久爲旃陀羅行而身常勇健彼何幸而我何辜尊者曰善惡之報有三時焉縱經百千萬劫亦不磨滅夜多聞語乃釋所疑尊者汝雖已信三業而未明業從惑生惑因識有識從心起心本清淨無生滅無造作無報應寂寂然靈靈然一切善惡有爲無爲皆如夢幻夜多領旨卽發宿慧懇求出家尊者曰吾今寂滅汝當紹行化迹乃授偈曰性上本無生爲對求人說於法旣無得何懷決不決言訖卽以指爪面如蓮花放出大光明而入寂滅時新室十四年也



閻夜多尊者

尊者比天竺國人智慧淵冲化導無量後至羅
閱城敷揚頓教彼有學衆唯尚辯論爲之首者
名婆修盤頭尊者將欲度之乃問彼衆曰此徧
行頭陀可得佛道乎苦行歷於塵劫皆虛妄之
本耳衆曰尊者蘊何德行而譏我師尊者曰我
不求道亦不顛倒我不禮佛亦不輕慢我不知
足亦不貪欲心無所希名之曰道時徧行聞言
歡喜讚嘆尊者復告之曰吾適對衆抑挫仁者
得無恨乎徧行曰如飲無上甘露而反生熱惱
耶唯願大慈以妙道垂誨尊者曰汝久植衆德當
繼繼吾宗聽吾偈言言下合無生同於法界性若
能如是解通達事理竟付法已卽奄然歸寂時
後漢明帝十七年



伊

卷一

三十一


鶴勒那尊者

尊者姓婆羅門年七歲遊行聚落覩民間淫祠
乃入廟叱之曰汝安興禍福幻惑斯民傷害實
多言訖廟貌忽然頽壞由是鄉里稱爲聖子行
化至中印度彼國王崇信佛道尊者爲說正法
次忽見二人緋衣來拜王問曰此何人也尊者
曰此是日月天子吾首曾爲說法故來謝耳良
久不見唯聞異香王意欣然時有師子歸依尊
者而問曰我欲求道當何用心尊者曰無所用
心曰旣無用心誰作佛事尊者曰汝若有用卽
非汝心汝若無作卽是佛事師子聞言領悟尊
者乃以法眼付囑護持且授偈云認得心性時
可說不思議了了無可得得時不說知言訖現
十八變而歸寂



師子比丘尊者

尊者姓婆羅門得法遊方至罽賓國有波利迦者本習禪定來謁尊者尊者曰仁者習定胡當來此既至於此胡云習定曰我雖來此心亦不亂定隨人習豈在處所尊者曰仁者既來其習亦至既無處所豈在人習曰定習人故非人習定我雖來此其定常習尊者曰人非習定定習人故當自來時其定誰習波迦利聞言屈服尊者方求法嗣有長者引一子來問曰此子名斯多當生便拳左手迄長未舒願尊者示其宿因尊者卽以手接曰可還我珠童子遽開手奉珠衆皆驚異長者遂捨其子出家尊者卽與受具且示偈云正說知見時知見俱是心當心卽知見知見卽在今說偈畢乃以僧伽梨衣密付斯多當宴然而寂時魏齊王二十七年



般若多羅尊者

尊者東印度人既得法行化至南印度彼國王
崇奉佛乘施以無價寶珠時王有三子尊者欲
試其所得乃以施珠問曰此珠圓明有能及否
其長子二子皆曰此珠七寶中尊固無踰也獨
第三子菩提多羅曰此是世寶未足爲上於諸
寶中法寶爲上此是世光未足爲上於諸光中
日光爲上若明是寶寶不自寶若辯是珠珠不
自珠尊者歎其辯慧乃復問曰於諸物中何物
無相曰於諸物中不起無相尊者知是法嗣乃
以如來正法眼囑付且示一偈云心地生諸種
因事復生理果滿菩提圓華開世界起付法已
卽於座上舒左右手各放光明二十七道化火
自焚空中舍利如兩時宋孝武帝大明元年也



佛

卷三

佛

卷一

菩提達磨尊者

尊者姓刹利帝本名菩提多那後遇般若多羅尊者改號達磨師恭稟教義服勤左右垂四十年未嘗廢缺迨尊者順世遂演化本國遠近學者靡然向風經六十餘載度無量衆時值異見王輕毀三寶師知歎息彼德薄當何救之因命其徒波羅提往彼說法異見王怒而問曰何者是佛曰見性是佛王曰師見性否曰我見佛性是王曰性在何處曰性在作用王曰是何作用波羅提卽說偈云在胎爲身處世爲人在眼曰見在耳曰聞在鼻辨香在口譚論在手執捉在足運奔遍現俱該法界收攝在一微塵識者知是佛性不識喚作精魂王聞偈領悟乃悔前非因問曰仁者智辨當師何人答曰卽大王叔菩提達磨也王聞驚駭遽敕近臣特加迎請師卽隨使而至爲王懺悔前非王因泣謝師訓欽崇三

寶一日師念行化時至乃辭祖塔別王而行王
乃具大舟率臣僚送至海壖師汎重溟凡三週
寒暑達於南海實梁普通八年也廣州刺史蕭
昂表聞武帝遣使迎請至金陵帝問曰朕造寺
寫經不可勝紀有何功德師曰此人天小果有
漏之因如影隨形雖有非實帝曰如何是真功
德師曰淨智妙圓體自空寂如是功德不以世
求帝又曰如何是聖諦第一義師曰廓然無聖
帝曰對朕者誰師曰不識帝不領悟師知機不
契合潛回江北寓止於嵩山少林寺面壁而坐
終日默然人莫之測謂之壁觀時有僧神光者
博覽群書善談玄理聞師住止少林乃躬往參
承師終面壁無語一夜天大雨雪光堅立不動
遲明積雪過膝師憫而慰問之然終無誨言光
乃潛取利刀自斷左臂置於師前師知是法器
因與易名曰慧可光曰諸佛法印可得聞乎師

曰諸佛法印匪從人得光曰我心未寧乞師與
安師曰將心來安光曰覓心了不可得師曰與
汝安心竟師居少林九年欲西返天竺乃命門
人曰時將至矣汝等試各言所得時門人道副
曰如我所見不執文字不離文字而爲道用師
曰汝得吾皮尼總持曰我今所解如慶喜見阿
閼佛國一見更不再見師曰汝得吾肉道育曰
四大本空五陰非有而我見處無一法可得師
曰汝得吾骨最後慧可禮拜後依位而立師曰
汝得吾髓乃以如來正法眼囑授慧可示以偈
云吾本來茲土傳教救迷情一花開五葉結果
自然成說已端居而逝卽後魏孝明帝大和十
九年其徒爲之葬熊耳山起塔於定林寺後二
年魏宋雲奉使西域迴遇師於葱嶺見手携隻
履翩翩獨逝雲問師何往師曰西天去雲茫然
別師迨孝莊卽位雲具奏其事帝令啟壙視之



惟見空棺一隻革履存焉舉朝驚異奉詔取遺
履供養於少林寺後爲人竊往五臺華嚴寺今
不知所在矣

佛
卷二
五
慧可大師

師姓姬氏其母一夕感異光照室因而懷妊及
生遂名曰光自幼博覽三乘遺書好遊山水受
戒於香山寶靜禪師終日宴坐一日忽於寂默
中見一神人謂曰將欲證果何滯此耶大道匪
遙汝其南矣翊日光覺頭痛如刺其師欲治之
空中有聲曰此換骨耳師視其頂果如五峰秀
出因謂曰神命汝南者其少林達磨大師乎光
遂造少室因而得法受衣講法於少林寺天女
爲之散花自是繼闡玄風博求法嗣有一居士
年踰四十不言名氏來問師曰弟子身纏夙恙
敢請和尚懺罪師曰將罪來懺居士良久云覓
罪了不可得師曰與汝懺罪竟僧曰今見和尚
已知是僧未審何爲佛法師曰是心是佛是心
是法佛法無二僧寶亦然居士領悟師遂深器
之曰是吾寶也宐名僧璨因以正法授之師付

佛
卷三
法已因念達磨舊記當有宿累遂韜光混迹變
易姓名或隱入酒肆或寄寓屠門人問之曰師
是道人何故乃爾師曰我自調心何關汝事後
果爲同類誣於莞城邑宰加以非法師遂恬然
委順時年一百七歲卽隋文帝十三年也



僧璨大師

大師初以白衣謁二祖既受度傳法遂隱於舒州皖公山積十餘載時人無有知者至隋開皇間有沙彌道信者年方十四來禮師曰願和尚慈悲乞與解脫法門師曰誰縛汝曰無人縛師曰既無人縛何更求解脫信於言下大悟服勞九載師屢試以玄微知其緣熟乃付以法衣且授偈云華種雖因地從地種華生若無人下種華地盡無生授偈畢復適羅浮山優游二載却旋舊址逾月士民奔趨大設檀供師爲四衆廣宣心要訖於法會六樹下合掌而終卽隋煬帝大業二年也



道信大師

大師姓司馬氏生而超異幼慕空宗既嗣祖法
攝心無寐脇不至席者六十年住破頭山學侶
雲臻一日往黃梅路逢一小兒骨相奇秀師異
之問曰子何姓曰姓卽有不是常姓師曰是何
姓曰是佛性師曰汝無性耶曰性空故師知是
法器卽詣其父母所乞令出家父母以宿緣故
殊無難色遂捨爲弟子師乃以衣法授之後貞
觀中太宗嚮師道味詔付京師上表遜謝前後
三返竟以疾辭上復命使至曰如果不起卽取
首來師乃引頸就刃顏色不變使異之回以狀
聞帝乃賜珍繒以遂其志迄高宗時一日忽謂
門人曰汝等各自護念流化將來言訖端坐而
逝



弘忍大師

師姓周氏生而岐嶷遇信大師得法嗣化於破頭山感亨中有一居士姓盧名慧能來參謁師曰汝自何來曰嶺南師曰來求何事曰求作佛師曰嶺南人無佛性若爲得佛曰人有南北佛性豈異師知其異故訶曰入槽廠去能禮足而退入碓坊服勞八月晝夜不息一日師知付授時至乃令徒衆各自隨意述偈時有上座神秀者衆所宗仰乃於廊壁書一偈云身是菩提樹心如明鏡臺時時勤拂拭莫遣有塵埃師見偈乃讚嘆曰依此修行亦得勝果能在碓坊忽聆誦偈良久曰美則美矣了則未了同學咸以狂訶之能曰子不信耶願和一偈同學相視而笑能至夜秉燭密托一童書一偈於傍云菩提本非樹明鏡亦非臺本來無一物何假拂塵埃大師見偈至夜乃令人潛召慧能入室告曰諸佛出

世爲一大事無上正法傳授二十八世至達磨
尊者始來此土吾今傳授於汝汝善護持聽吾
偈曰有情來下種因地果還生無情既無種無
性亦無生能跪而受之師曰汝當遠隱俟時行
化所謂授衣之人命如懸絲也能曰當隱何所
師曰逢懷卽止遇會且藏能禮足而出是夜南
邁大衆懸知彼得衣法卽共奔逐師經四載入
室安坐而逝壽七十有四



豐于禪

師不知何許人居天台山國清寺剪髮齊眉衣
一布裘人問佛理止答以隨時二字當誦唱道
歌乘虎入院衆僧驚畏本寺厨中有二苦行曰
寒山拾得二人終日晤語聽者不解時以風狂
目之獨與師相親一日寒山問古鏡不磨時如
何燭照師曰冰燼無影像猿猴探水月曰此是
不照燭也請師更道師曰萬德不將來教我道
止明日遂行至昌樂西山石室遇智遠禪師指
示叅謁黃梅師竟往焉忍大師一見默而識之
授以衣法令隱於懷至儀鳳元年屆南海遇印
宗禪師講經於法性寺師止廊廡聽受入夜風
颺刹幡二僧對論一云風動一云幡動往復酌
答未曾契理師不覺言曰風幡非動動自心耳
印宗悚然異之邀師入室執弟子禮乃告四衆
曰印宗具足凡夫今遇肉身菩薩因請出所傳


信衣悉令瞻拜明年二月韶州刺史韋據請於
大梵寺轉妙法輪門人紀錄目爲壇經盛行於
世後返曹谿雨大法雨學者不下千數中宗神
龍元年遣內侍薛簡馳詔迎請師上表辭謝薛
簡曰弟子回朝主上必問願慈悲指示心要如
何明道師曰道無明暗明暗亦是代謝之義明
明無盡亦是有盡相待立名簡曰明喻智慧暗
喻煩惱尚不以智慧照破煩惱無始生死憑何
出離師曰以智慧照煩惱此是二乘小兒羊鹿
等智上智大根悉不如是簡曰如何是大乘見
解師曰明與無明其性無二無二之性卽是實
性性者處凡愚而不減在賢聖而不增住煩惱
而不亂居禪定而不寂不斷不常不來不去不
在中間不在內外不生不滅性相如如常住不
遷名之曰道簡豁然大悟歸闕表奏師語加賜
摩納袈裟絹鉢等物師說法利生經四十餘載

伊
卷二
十一
一日謂門人曰吾欲返新州宜速理舟楫大衆
哀請乞師少住師曰諸佛出世猶示涅槃有來
必去理亦自然言訖往新州國恩沐浴跣跌而
化異香襲人白虹属地時先天二年也



法融禪師

師姓韋氏十九學通經史尋閱大典曉達真空
一日歎曰儒道世典非究竟法般若真觀出世
舟航遂投師落髮入牛頭山北岩石室中止焉
時有百鳥啣花之異唐貞觀中四祖遙觀星氣
知此山有奇異之人遂往尋訪見師端坐石上
曾無所顧祖問曰在此何爲師曰觀心祖曰觀
是何人心是何物師無對便起作禮祖亦因止
山後一小庵中朝夕以法要授之後祖復返雙
峰山終老師自此法席日盛徒衆乏糧師親詣
丹陽緣化去山八十里躬負米一石八斗朝出
暮還供僧三百一日講般若經於建初寺聽者
雲集山岳爲之震動後終於寺中百鳥哀號不
止寺前四大桐樹仲夏忽爾凋落時顯慶二年
也



古靈神讚禪師

師本姓陳生而狀貌奇偉頂骨山立聲若洪鐘
幼入大中寺聽習律乘嘗念徒自勤苦而未聞
玄秘乃孤錫遠遊行脚四方後遇百丈開悟始
回本寺受業師問曰汝行脚數年得何事業曰
並無事業遂遣執役一日其師澡浴命師去垢
師乃拊背曰好座佛殿而佛不靈其師回首視
之師曰佛雖不靈却會放光又日其師窻下看
經蠅子投窻鑽紙求出師曰世界如許空濶却
不肯出乃鑽故紙其師置經問曰汝遇何人發
言屢異師曰某甲蒙百丈和尚指箇歇處今欲
舉報慈德耳乃登座舉唱百丈門風曰靈光獨
耀迥脫根塵體露真常不拘文字心性無染本
自圓成但離妄緣卽如如佛其師言下感悟師
後住古靈聚徒數載臨遷化聲鐘告衆曰汝等
諸人還識無聲三昧否衆曰不識師曰汝但靜

聽莫別思惟衆皆側耳師乃儼然順寂




趙州從諗禪師

師姓郝氏童時卽於本州扈通院從師披剃便
抵池陽叅南泉偃息而問曰近離甚麼處師曰
近離瑞像曰還見立瑞像麼師曰不見立瑞像
只見臥如來曰汝是有主沙彌無主沙彌師曰
有主曰主在甚麼處師曰仲冬嚴寒伏惟和尚
珍重南泉器之師復問曰如何是道泉曰平常
心是道師曰還可趨向否泉曰擬向卽乖師曰
不擬如何知是道泉曰道無知不知知是妄覺
不知是無記若是真悟猶如太虛廓然何得強
名是非師言下開悟乃往嵩岳納戒却返南泉
一日將遊五臺有僧作偈留之云何處青山不
道場何須策杖禮清涼雲中縱有金毛現正眼
觀時非吉祥師云作麼生是正眼僧無對一日
師掃地次有僧問云善知識爲甚麼有塵師曰
塵從外來又僧問云清淨伽藍爲甚麼要掃師

曰又加一點也院中有石幢子被風吹折僧問
 陀羅尼幢子作凡去作佛去師曰也不作凡亦
 不作佛僧曰畢竟作甚麼師曰落地去也有僧
 問云如何是學人自己事師曰喫粥了也未僧
 云喫粥也師曰洗鉢去僧忽然大悟又僧問云
 久響趙州石橋到來只見掠狗師曰汝只見掠
 狗不見石橋僧云如何是石橋師曰過來過來

其僧亦豁然師壽一百二十終於乾寧四年



南岳懷讓禪師

師姓杜氏年十五往荊州玉泉寺依弘景律師
出家受具習毘尼藏一日慨然直詣曹谿叅六
祖祖問甚麼處來曰嵩山來祖曰將甚麼物來
曰說是一物卽不中祖曰還可修證否曰修證
卽不無汚染卽不得祖曰卽此不汚染諸佛所
護念汝能如是吾亦如是師豁然契會執侍一
十五載開元中往衡岳般若寺居焉有沙門道


一住傳法院常日坐禪師往問曰大德坐禪
箇甚麼一曰圖作佛師乃取一磚磨於庵前石
上一曰磨磚作甚師曰作鏡一曰磨磚豈得成
鏡師曰磨磚旣不成鏡坐禪安能成佛耶一曰
如何卽是師曰如牛駕車車不行打車卽是打
牛卽是一因禮拜請問曰如何用心卽合無相
三昧師示一偈云心地含諸種遇澤悉皆萌三
昧華無相何壞復何成師有入室弟子六人一

一印可之天寶三年圓寂於衡岳

伏

三

廿三



第

十

廿

江西道一禪師

師姓馬氏容貌奇偉牛行虎視引舌過鼻足下有二輪文幼歲受具於渝州圓律師開元中習禪定於衡岳遇讓和尚傳法密受心印講法於開元精舍四方學者雲集座下師乃謂衆曰汝等各信自心是佛無事他求有僧問和尚爲何說卽心卽佛師曰爲止小兒啼僧曰啼止時如何師曰非心非佛龍居士問如水無筋骨能勝萬斛舟此理何如師曰我這裏無水亦無舟說甚麼筋骨洪州廉使問曰弟子喫酒肉卽是不喫卽是師曰若喫是中丞祿不喫是中丞福師入室弟子凡一百三十九人各爲一方宗主傳化無窮貞元四年登建昌石門山見洞壑平坦忽謂侍者曰吾得歸所矣言訖而回卽伽趺入滅



石鞏惠藏禪師

師生而膂力過人以弋獵爲事一日逐群鹿過馬祖庵前祖因逆之藏問祖見鹿否祖曰汝是何人曰獵者祖曰汝解射否曰解射祖曰汝一箭射幾箇曰一箭射一箇祖曰汝不解射我却一箭射一群曰彼此是命何用射他一群祖曰汝旣知此何不自射曰若教某甲自射卽無下手處祖曰這漢曠劫無明煩惱今日頓息藏卽毀棄弓箭自以刀截髮投祖出家一日作務回祖曰作什麼來曰牧牛來祖曰作麼生牧曰一廻入草去便把鼻拽來祖曰子真牧牛者後遊洛陽回至唐州見一山殊勝詢及土人乃云此紫玉山也師因陟其巔見一方石瑩然紫色嘆曰真紫玉也遂緝茅構舍而棲焉



智威禪師

師姓華氏身長七尺六寸智勇過人爲隋中郎將唐武德中乃乞身出家入舒州鰲公山從寶月禪師爲弟子一日宴坐谷中忽山水瀑漲師怡然不動山水自退師平生惟用一衲一錫終老不易有供僧穀二廩盜者窺伺虎爲守之時縣令張遜詣山謁師問師曰徒從幾何師曰二三人遜曰何在師以拂子擊禪牀三聲二虎咆哮而出遜作驚怖狀師遂指之使去又有昔同從軍二人聞師隱遁乃共入山訪之旣見因謂曰卽將狂耶師曰我狂欲醒君狂正發夫嗜色淫聲貪榮冒寵流轉生歿何由自出二人感嘆而去儀鳳二年遷住石頭城示滅顏色不變屈伸如生室有異香經旬不散



佛

卷二

十九

高嶽元珪禪師

師姓李氏幼歲出家習毘尼無懈後謁安國禪師印以真宗頓悟玄旨遂卜廬於嶽之龐塢一日有異人者我冠袴褶而至從衛甚多師覩其形貌非常乃問之曰仁者胡來答曰師寧識我耶師曰吾觀佛如衆生等豈生分別耶曰我乃嶽神也能生死人師安能以一目視之師曰吾本不生汝焉能死吾視身與空等視吾與汝等

汝能壞空與汝乎神大感悟乃曰今欲効我所能奉報慈德不知師果何欲師曰吾觀身無物觀法無常更欲何事神曰佛亦使神護法師寧隳佛耶師不得已而言曰北岫多樹然非屏擁汝能移植東嶺乎神曰敬聞命矣卽作禮騰空而去入夜果暴風吼雷奔雲震電山嶽搖動及旦和霽則北巖松枯盡移植東嶺矣師謂衆曰吾沒後無令外知使人謂我爲妖以開元四年

示滅若委蛇焉



第

卷


十一

香巖智閑禪師

師自幼厭俗慕道喜誦諸經依偽山禪會祐和尚知是法器乃激之曰吾不問汝平生卷冊上記得者汝未出胞胎未辨東西時本分事試道一句來師懵然無對沉吟久之進數語祐皆不許師曰請和尚爲說祐曰吾說得是吾之見解於汝何益師歸堂徧檢所集諸經無一語可將時討乃曰莫曰盡餅不可充饑於是盡焚之曰

且作箇長行粥飯僧免役心神遂斷偽山而去抵南陽見忠國師遺跡遂憇止焉一日因山中芟除草木以瓦礫擊竹作聲俄然失笑忽爾省悟遂歸沐浴焚香造禮偽山贊云和尚大悲恩逾父母當時若爲我說却安有今日乃述一偈云一擊忘所知更不假修持處處無踪跡聲色外威儀諸方達道者咸言上上機一日謂衆曰如人在千尺懸崖口銜樹枝脚無所蹈手無所

伊
二
廿三
攀凡示學徒語多簡直有頌二百餘篇隨緣對
機不拘聲律諸方盛行



仰山慧寂禪師

師姓葉氏年十五欲出家父母不許師斷一指
跪致父母前誓求正法以答劬勞遂依南華寺
通禪師落髮遊方初謁耽源已悟玄旨後參僞
山漸入堂奧嘗見桃花有會一日述偈云三十
年來尋劍客幾逢落葉幾抽枝自從一見桃花
後直至如今永不疑祐師覽畢詰其所悟與之
符契乃謂曰從緣悟道善自護持一日隨僞山

開田師問曰這頭恁的低那頭恁的高祐曰水
能平物但以水平師曰水亦無憑但高處高平
低處低平耳祐然之師問香嚴弟近日見處何
如曰某甲卒說不得乃呈偈云去年貧未是貧
今年貧始是貧去年無卓錫之地今年錫也無
師曰汝得如來禪未得祖師禪師盤桓僞山前
後十五載凡有語句學徒無不嘆服後遷止仰
山徒衆益盛接機利物爲禪宗標準年七十七


抱膝而逝於韶州東平山臨終有偈云我年七
十七老去是今日任性自浮沉兩手抱雙膝



丹霞天然禪師

師不知何許人初習儒業將入長安應舉宿逆旅間遇一禪客問云仁者何往曰選官去客云選官何如選佛曰選佛當往何所客云今江西馬大師是選佛場也師因直抵江西謁馬師師顧視良久云南岳石頭是汝師也師遽遊南岳以前意投之石頭石頭云着槽廠去師禮謝入行者房隨次執役三年忽一日石頭示衆云來

日剗佛殿前草次日大衆各備鋤鏝剗草獨師以盆盛水淨頭於和尚前胡跪石頭見而笑之便與落髮又爲授戒師乃掩耳而出復往江西再謁馬師馬師因爲更名曰天然乃杖錫觀方時至慧林寺遇天大寒師取木佛焚之人或謂師師曰吾燒取舍利以長慶四年告門人云吾欲行矣乃戴笠策杖授履垂一足未及地而化



俱胝和尚

師不知姓氏嘗宴坐一庵有尼名實際者到庵
戴笠執錫遶師三匝云道得卽拈下笠子三問
師皆無對尼便去師自嘆曰我雖丈夫之形而
無丈夫之氣擬棄庵往諸方叅訪其夜山所告
曰不須去此將有大菩薩來說法也旬日果天
龍和尚到庵師乃迎禮具陳前事天龍豎一指
示之師當下大悟自此凡有舉示師亦唯舉一
指別無提唱有一童子於外或人問曰和尚說
何法要童子亦豎起指頭歸而舉似於師師以
刀割斷其指童子叫號出走師召一聲童子廻
首師復豎起指頭童子豁然領解一日謂衆曰
吾得天龍一指頭禪一生用不盡言訖示滅



十
九

佛
卷三
藥山惟儼禪師

師姓韓年十七依慧照禪師出家納戒於衡岳
希操律師乃自嘆云大丈夫當離法自淨豈能
屑屑事細行於布巾耶卽謁石頭密領宗旨一
日師坐次石頭問曰作甚麼曰一切不爲石曰
恁麼卽閑坐也曰若閑坐卽爲也石曰汝道不
爲却不爲箇甚麼曰千聖亦不識石頭有時垂
語云言語動用勿交涉師曰不言語動用亦勿

交涉石曰這裏針劄不入師曰這裏石上栽花
石頭然之朗州刺史李翱向師玄化乃躬入山
謁之師執經不顧翱性徧急乃言曰見面不如
聞名師呼太守翱應諾師曰何得貴耳賤目翱
因拱手謝之問曰如何是道師以手指上下云
會麼翱云不會師曰雲在天水在瓶翱乃欣慳
作禮呈一偈云煉得身形似鶴形千株松下兩
函經我來問道無餘話雲在青天水在瓶翱又

伊
卷二
問如何是戒定慧師曰貧道這裏無此閑家具
翺莫測玄旨師曰太守欲得保任此事直須向
高高山頂坐深深海底行閨閣中物捨不得便
爲滲漏師一夜登山徑行忽雲開見月大笑一
聲響聞九十許里居民迭相訝問不知何聲李
翺贈詩云選得幽居愜野情終年無送亦無迎有時
直上孤峰頂月下披雲笑一聲大和八年師忽叫云
法堂劉矣僧衆各持拄杖之師乃寂然頂世



龍潭崇信禪師

師未詳姓氏本渚宮賣餅家子也時道悟和尚居天皇寺人無識者師家居寺側常日以十餅饋之悟受之每食必留一餅云吾惠汝以蔭子孫師一日自念云餅是我的何復遺我其別有旨乎遂造而問焉悟曰是汝持來還汝持去又何疑焉師聞言頓悟遂受戒出家悟因賜名崇信一日問曰某自到來不蒙指示心要悟云自汝到來吾何者不指示心要汝擎茶吾爲汝接汝行食吾爲汝受汝合掌時吾便低首何處不指示心要師低頭良久悟曰見則直下便見擬思卽差師當下領會乃復問如何保任悟云任性逍遙隨緣放曠但盡凡心別無勝解師後詣龍潭棲止德山來謁師曰久慕龍潭到來潭又不見龍亦不現師曰子親見龍潭矣德山卽休師後佛教廣宣徒學自衆壽八十有六而化

破竈墮和尚

師不稱名氏言行叵測隱居嵩嶽山塢有廟甚靈中唯一竈遠通祭祀烹殺甚多師一日領侍僧入廟以杖敲竈三下云咄此竈只是泥瓦合成聖從何起靈從何來恁麼烹殺物命言訖又擊三下竈乃傾墮故遂稱破竈墮和尚須臾有一人戴冠大帶忽然投拜師前師曰伊是何人曰我是此廟竈神久受業報今蒙師說無生得脫此處生在天中故特來謝師曰是汝本性何謝之有神再作禮而沒侍衆問曰某等久侍左右未蒙明訓竈得何旨便爾生天師曰我只道本是泥瓦合成別也無甚道理侍衆不會師曰本有之性爲甚不會侍衆遂禮拜師曰破也破也墮也墮也又僧問如何是修善行人師曰稔鎗帶甲又問如何作惡行人師曰修禪入定僧曰某甲淺機請師直指師曰汝問我惡惡不從

伊 卷一 四五
善汝問我善善不從惡良乂又曰會麼曰會師
曰惡人無善念善人無惡心所以道善惡如浮
雲俱無起滅處其僧從言下大悟一日持鏡自
照頌曰鏡凹令人瘦鏡凸令人肥不如打破鏡
還我舊面皮後竟不知所終



雲岩曇晟禪師

師姓王少出家初參百丈慧海禪師未悟玄旨
後詣藥山會下乃始契悟大法一日藥山問云
聞汝解弄獅子是否師曰是曰弄得幾出師曰
弄得六出藥云我亦解弄師曰和尚弄得幾出
曰我弄得一出師曰一卽六六卽一後到僞山
僞山問曰聞長老在藥山會弄獅子是否師曰
是曰長弄麼還置時麼師曰要弄卽弄要置
卽置曰置時獅子在什麼處師曰置也置也有
僧來謁師問從甚處來僧云石上語話來師云
石還點頭也無僧無對師曰未問時却點頭唐
會昌元年師示寂壽六十茶毗得舍利一百餘
粒瘞於石墳內



神

卷三

洞山良价禪師

師姓俞幼歲從師因念般若以無根塵義問其師師駭異命往嵩山落髮受戒初叅偽山後又訪道雲岩雲岩留止焉師問曰無情說法甚麼人得聞岩曰無情說法無情得聞師曰和尚聞否岩曰我若聞汝卽不得聞吾說也師曰若恁麼良价不聞和尚說法也岩曰我說汝尚不聞何況無情說法也師因呈一偈云也大奇也大奇無情解說不思議若將耳聽聲不現眼裏聞聲始得知師又問曰和尚百年後忽有人問還得師真否如何祇對岩曰但向伊道卽這個便是師猶涉疑似後因對水見身影而大悟前旨乃作偈云功忌從他覓迢迢與我踈我今獨自往處處得逢渠渠今正是我我今不是渠應須恁麼會方得契如如師後在新豐山接引學徒甚衆咸通十三年師將示滅乃謂衆曰吾閑名

在世誰能為吾除之衆皆無對時沙彌出曰請
和尚法號師曰吾閑名已謝矣言訖寂然長往



益州無住禪師

師得法於無相大師居南陽曰崖山專務宴寂
聖誨雖廣而唯以無念爲宗唐相國杜鴻漸聞
師名思一瞻禮乃遣使敬請師至公問曰弟子
聞師說無憶無念莫妄三句法門是否曰然公
曰此三句是一是三曰無憶名戒無念名定莫
妄名慧一心不生具戒定慧非一非三也公曰
後句妄字莫是從心之忘乎曰從妄者是也公
曰有據否曰經云若起精進心是妄非精進若
能心不妄精進無有涯公疑釋然於時庭樹鴉
鳴公問師聞否曰聞鴉去又問師聞否曰聞公
曰鴉去無聲云何言聞師乃普告大眾曰聞無
聞有非關聞性本來不生何自有滅有聲之時
是聲塵自生無聲之時是聲塵自滅而此聞性
不隨聲生不隨聲滅悟此聞性則免聲塵所轉
自知聞無生滅聞無去來公與大眾作禮而退

師度化無量後居保唐寺壽終



伏牛山自在禪師

師姓李形貌短小智慧越人初依徑山國一禪
師受具後叅大寂發明心地因爲大寂送書與
忠國師國師問曰馬大師以何示衆師對曰卽
心卽佛國師曰此外更有何言師對曰非心非
佛或曰不是心不是佛不是物國師曰猶較些
子師曰馬大師卽恁麼未審和尚如何國師曰
三點如流水一曲似禾鎌師後隱居伏牛山一
日謂衆曰卽心卽佛是無病求病句非心非佛
是藥病對治句僧問曰如何是脫洒句師曰伏
牛山下古今傳又嘗自吟一絕云宇內爲閑客
人中作野僧任從他咲我有處自騰騰



帝

卷三

卷三

大珠慧海禪師

師姓朱依越州道智和尚受業初參馬祖祖問曰從何處來曰大雲寺來祖曰來此擬何事曰來求佛法祖曰自家寶藏不顧拋家散走我這裡一物也無求甚佛法師遂禮拜問曰阿那箇是慧海自家寶藏祖曰卽今問者是汝寶藏一切具足何假向外馳求師於言下大悟承事六載後以受業師老還歸奉養乃晦跡韜光外示癡訥一日有法師來謁曰擬伸一問師還對否師曰深潭月影任意撮摩曰如何是佛師曰清潭對面非佛而誰又僧問和尚如何用功師曰饑來喫飯困來打眠曰一切人總如是用功否師曰不同曰爲甚不同師曰他喫時不肯喫百種須索睡時不肯睡千般較量所以不同僧杜口無語師時閑居補衲忽僧謂曰將敗壞補敗壞師曰何不道卽敗壞非敗壞其僧作禮而去



甲

卷三

甲

卷三

十

紫玉山道通禪師

師姓何本廬江人幼隨父守官泉州一日誦楞伽經有悟遂落髮出家唐天寶初馬祖闡化建陽師往隨之一日馬祖將歸寂謂師曰紫玉潤麗增汝道業汝可居之師初不悟後偕自在禪師同遊洛陽回至唐州見一山四面懸絕峯巒峻聳山麓水濱有石瑩然因詢鄉人云是紫玉山遂笑曰此吾師所云紫玉也因緝茅而居焉嘗坐石上吟曰閒來石上觀流水欲洗禪衣未
有塵時于頓相公往謁之問如何是黑風吹舡舫漂隨羅刹鬼國師曰于頓小子問此何爲公勃然怒形於色師徐謂發此嗔恚心便是黑風吹舡舫飄墮入鬼國矣公始怡然作禮悔謝元和八年師無疾而終壽八十有四




伊

卷三

十一

佛
卷三
慧能大師

師姓盧其先范陽人家甚貧窶師樵采自給一日負薪入市中間客讀金剛經遂悚然感悟矢志尋師至韶州遇女尼無盡藏者誦涅槃經師暫聽之卽爲解說其義尼乃執卷問字師曰字卽不識義卽請問尼曰字尚不識安能會義師曰諸佛妙理非關文字尼大異之遍告居人競來瞻禮一曰師自念曰我求大法豈可中道而什麼寒拾俱禮拜師尋入五臺山巡禮路逢一老翁師問莫是文殊否曰豈可有二文殊師作禮未起忽然不見至五臺經數年後回天台山示滅



寒山子

師本無氏族嘗居始豐縣寒巖中遂名寒山子
容貌枯悴布襦零落以樺皮爲冠曳大木屐時
來國清寺就拾得取衆僧殘食菜滓食之或時
徐行廊下或時叫噪望空慢罵寺僧以杖逼逐
附掌大笑而去一日豐于謂之曰汝與我遊五
臺卽我同流若不與我去非我同流曰我不去
豐于曰不是我同流寒山因問曰汝去作甚麼
豐于曰我去禮文殊曰汝却不是我同流初聞
丘公出牧丹丘來謁豐于乞示安危之兆豐于
曰到任記謁文殊普賢曰此二菩薩何在師曰
國清寺執爨者六山拾得是也問丘拜辭乃行
尋至山寺訪之見二人圍爐語笑問丘不覺致
拜二人連聲咄叱復執問丘手笑而言曰豐于
饒舌遂相携出松門更不復入寺問丘又至寒
巖禮謁二人高聲喝之曰賊便縮身入巖石縫

中唯曰汝諸人各各努力其石縫忽然而合杳
無踪跡間丘衮慕不已令其徒道翹檢其遺物
唯有木葉書詞數十首而已



拾得子

師不知名氏因豐于經行山中聞兒啼聲遂尋之見一子可數歲遂名拾得携至國清寺付與座僧令知食堂香燈忽一日輒登座與佛對盤而食典座僧忿然罷其堂任令厨内滌器洗濯食滓以筒盛之寒山來必負之而去一日掃地寺主問曰汝名捨得畢竟姓箇甚麼住在何處拾得放下掃帚叉手而立寺主罔測寒山槌胸云蒼天蒼天拾得却問汝作什麼曰豈不見東家人歿西家助哀二人作舞大笑而出一日因厨下食爲鳥所食拾得以杖杖護伽藍曰汝食不能護安能護伽藍乎是夕神見夢合寺僧曰拾得打我詰旦衆僧說夢符同一寺駭異牒申州縣云菩薩應身爰用旌之時號拾得爲賢士後遂隱名而逝



佛

卷三

十一

何

卷三

十八

布袋和尚

師未詳氏族形裁臞腹感額瞠腹出語無定寢
臥隨處常以杖荷一布袋凡供身之具盡貯袋
中時號長汀子布袋師也嘗臥雪中雪不沾衣
示人吉凶應期無忒天將雨卽着濕草屨遇亢
陽卽曳木屐居民以此驗知有一僧過師前師
拊其背僧回顧師曰乞我一文僧曰道得卽與
一文師乃放下布袋义手而立白鹿和尚問如
何是佛法大意師放下布袋义手又問莫更有
向上事否師乃負之而去嘗有偈云一鉢千家
飯孤身萬里遊青目覩人少問路白雲頭梁貞
明三年三月於岳林寺東廊下端坐磐石而說
偈曰彌勒真彌勒分身千百億時時示時人時
人自不識偈畢安然而逝



佛
卷三

鳥窠禪師

師姓潘母朱氏夢日光入口因而有娠及誕異香滿室遂名香光焉九歲出家二十受戒於荊州果願寺一日遊至孤山來福寺有辟支佛塔時道俗共爲法會師振錫而入有韜光法師問曰此之法會何以作聲師曰無聲誰知是會後見秦望山有松蘿繁茂盤屈如蓋遂棲止其上故時人謂鳥窠禪師元和中白居易出守茲郡入山禮謁乃問曰禪師住處甚險師曰太守住處尤險曰弟子位鎮江山何險之有師曰薪火相煎識性不停得非險乎又問如何是佛法大意師曰諸惡莫作衆善奉行白曰三歲孩子也解恁麼道師曰三歲孩子道得八十老翁行不得白遂作禮師于長慶四年忽告衆曰吾今報盡言訖坐亡壽八十有四

南

卷三

三十一



何



誌公和尚

師姓朱氏少出家止道林寺修習禪定居止無常飲食不定髮長數寸徒跣執錫杖頭撮剪尺銅鑑或掛帛數尺旬日不食亦無飢容時或歌吟詞如識記士庶皆敬事之建元中武帝謂師惑衆收付建康獄中人或見其在市及檢獄如故及梁高帝卽位下詔曰誌公迹拘塵垢神遊冥叙水火不能焦濡蛇虎不能侵害豈以俗士常情空相拘制自今不得復禁一日問師曰弟子煩惑何以治之師曰十二識者以爲十二因緣治惑藥也時舒州瀟山景色最稱奇絕而山麓尤勝誌公與白鶴道人皆欲之天監六年二人俱白高帝帝以二人皆具靈通命各以物識其地得者居之道人云某以鶴止處爲記誌公云某以錫卓處爲記已而鶴先飛至將止於麓忽聞空中錫聲驚止他所而錫遂卓於山麓二



十五

人乃各以所識築室焉後至十三年冬忽密謂
人曰菩薩將去未及旬日端坐而化遍體香爽

佛


卷三

廿四

佛
卷三
十三
杯渡和尚

杯渡者未詳名氏常乘杯渡水故因名之初在冀州不修細行飲酒噉肉與俗無異或着屐上山或徒行入市唯荷一蘆圖子更無餘物嘗寄宿一民家座有金像一尊渡竊而去其家覺而追之見渡徐行走馬追之不及至於孟津浮杯而渡不假風棹其疾如飛東遊吳郡路見釣翁因就乞魚翁以一餒者施之渡手弄反復投入水中魚復悠然而逝又遇網師更從乞魚網師瞋詈不與渡乃拾取兩石子擲水中俄而有兩水牛鬪入其網網既碎敗牛不復見渡亦隱去後至廣陵遇村舍李家八關齋乃直入齋堂而坐以蘆圖置於中庭李視其中唯一敗衲及一木柄而已數人舉之不勝李知其異敬請在家眷侍百日一日或出至暝不返合境聞有異香忽見渡在北岩下敷一敗袈裟於地晏然而寂

前後皆生蓮華鮮香逼人一夕而萎李因殞之
 數日後有人從北來云見渡負蘆圖行向彭城
 乃啟棺檢僅存鞞履而已




佛

卷三

二六

慧遠禪師

師本姓賈氏弱而好書尤喜莊老性度弘偉風
鑒朗拔年二十一聞沙門釋道安講法於太恒
山遂往從之一日聽講般若經豁然有悟乃與
弟慧特投簪落髮慨然以大法爲己任晝夜行
特一時宿儒老衲咸推服焉後欲往羅浮山及
屆潯陽見廬峰清淨足以息心遂住龍泉精舍
時廬山去水甚遠師乃以錫扣地曰若此中果
得栖息當使稿地泉湧言畢清流突出倏忽成
溪其後潯陽亢旱師詣池側讀龍王經忽有巨
蛇自下騰上須臾大雨遂以有年因號爲龍泉
寺焉自師卜居廬阜三十餘年影不出山迹不
入俗每送客率以虎溪爲界過則虎輒鳴號故
名虎溪後與陶淵明陸修靜語道契合不覺過
之因大發笑世遂傳爲虎溪三笑遠邇僧衆無
不欽服年八十有三圓寂於晉義熙十二年



佛

佛

卷三

三十八

竺道生

道生姓魏氏生而穎悟不喜塵囂遇沙門竺法汰遂落髮受戒初入廬山幽栖七年鑽研諸經不辭疲倦後遊長安從什公受業器鑒日深問辨精敏關中僧衆欽服若神後遊虎丘山冷然若有會心處遂棲跡焉嘗獨坐長松之下別無所接唯豎石爲徒而已一日講誦涅槃至闡提亦有佛性處曰如我所說果契佛心否豎石亦

首肯之其年夏雷震青園佛殿忽見一龍飛躍昇天光影西壁遂改寺名曰龍光時人嘆曰龍旣去生必行矣數日生果復還廬山留一遺影落於虎丘巖岫間時往來僧衆無不瞻禮宋元嘉十一年升廬山法座宣講涅槃將畢忽見塵尾紛然墜地正容端坐宴然而寂



Faint vertical columns of text, likely bleed-through from the reverse side of the page. The characters are mostly illegible due to fading and the texture of the paper.

佛圖澄

師本姓白氏爲人弘雅有識明解三藏博覽六經天文圖緯多所綜涉其左脅乳旁有一孔約大四寸通徹腹內時以絮塞之夜欲讀書輒拔出其絮則一室洞明又齋日輒至水邊引腸滌之已而復納於中以永嘉四年來適洛陽志弘大法善持經呪役使鬼物以麻油雜胭脂塗掌千里外事皆徹現掌中如對面焉又聽鈴音以言吉凶無不符驗時石勒屯兵葛陂專事殺戮澄憫念蒼生欲以道化勒於是策杖詣軍門謁大將黑略略素崇奉佛法遂以澄薦勒勒召問曰佛道有何靈驗澄思勒不達深理止可術動因取盆水燒香呪之頃刻青蓮鬱起光色動人勒由此信伏澄因遇事進諫凡應被殘殺蒙其利益者十有八九於是中州之胡皆願奉佛建平四年四月一日天靜無風而塔上一鈴獨鳴

伊 卷三 廿二
澄謂衆曰鈴云國有大喪不出今年矣是歲七月勒歿太子弘襲位少時石虎廢弘自立亦傾心事澄留奉鄴城寺中一日遣弟子向西域市香旣行忽告餘弟子曰掌中見買香弟子被劫垂死因燒香呪願遙護救之旣而市香者還云某月某日爲賊所劫將見誅殺忽聞香氣自空而下賊無故自驚曰救兵已至棄之而走澄嘗與虎共坐中堂澄忽驚曰幽州當有火災隨取酒洒之且笑曰火已解矣虎遣驗幽州云邇日火從四起西南忽有黑雲飛來驟雨滅之雨中皆有酒氣虎因事澄若神至虎建武十四年忽謂弟子法祚曰戊申禍亂將萌巳酉石氏當滅吾及未亂當先化矣至十二月八日卒於鄴宮春秋一百一十有七時晉穆帝永和四年也



伊


卷三

世三

佛
卷二
三四
普化和尚

師不知何許人氏佯狂無度手持一鐸凡見人無高下皆振鐸一聲時號普化和尚嘗振鐸云明頭來也打暗頭來也打一日臨濟令僧捉住云不明不暗時如何師曰來日大悲院有齋或暮入臨濟院手持生菜啖之臨濟曰這漢大似一頭驢師便作驢鳴數聲臨濟乃休一日與河陽木塔長老在僧堂閑云普化每日在街市中掣風掣顛知他是凡是聖言未了師適入來濟便問之師云汝且道我是凡是聖濟便喝師以手指之云河陽新婦子木塔老婆禪臨濟小厮兒却具一隻眼濟云這賊師云賊賊便出去又嘗於闐闐間搖鐸唱曰覓箇去處不可得時道吾遇之問曰汝擬向什麼處去師曰汝從什麼處來道吾無語師掣手便去咸通間師將示滅乃振鐸入市謂衆曰乞一箇直裰或與披襖或與

佛
卷三
廿五
布裘並不受後臨濟令人以一棺送之師笑曰
臨濟小兒饒舌遂受之明日自擊棺出城北門
振鐸入棺而逝郡人奔往揭棺視之不見唯聞
鐸聲漸遠莫測其由



佛
卷三
卅六
降魔禪師

師不知姓氏初在歸宗會下一夜巡堂大叫云
我大悟我大悟衆駭之明日歸宗問曰汝見甚
麼道理敢言大悟試舉似我師對曰師姑天然
是女人作歸宗默然師便辭去歸宗拈一笠子
送之師接笠子戴頭上便行更不迴顧直詣五
臺山見文殊普賢皆叱之曰是何精魅手持一
木劍自號降魔禪師見有僧來禮拜便云魔來
也魔來也卽以劍亂揮云那個魔魅教汝出家
那個魔魅教汝行脚道得也劔下死道不得也
劔下死速道速道僧皆無對如是十二年後置
劍無言有僧問云今却爲甚不降魔師曰賊不
打貧兒家臨終有偈云舉手攀南斗迴身倚北
辰出頭天外望誰是我般人



道吾和尚

師氣度風洒脫盡塵凡嘗頂一蓮花笠子披襪
執簡擊鼓吹笛口稱曾三郎嘗自云打動關南
鼓唱起德山歌先叅道常禪師印其所解後遊
德山門下法味益精或時執一竹如意橫在肩
上作舞僧問手中如意從甚處得來師擲於地
僧因拾起復置師手中師曰從甚處得來僧無
對師自拈起復橫肩上作舞而去



法明和尚

師不知何許人落魄嗜酒佯狂不羈終日大醉
善唱柳詞人以醉和尚稱之師曰我醉且醒君
醉奈何混俗和光然實不染一塵一日居靈隱
寺中忽謂衆曰吾當行矣乃述一偈云平生醉
裏顛蹶醉裏却有分別今朝酒醒歸何處楊柳
岸曉風殘月



佛
卷三
四十一
船子和尚

師名德鉞在藥山會下受戒習法嘗於吳江上
泛一小舟借釣適情浪跡烟水去留無定嘗作
偈云千尺絲編直下垂一波纔動萬波隨夜靜
水寒魚不餌滿船空載月明歸又云三十年來
海上遊水清魚現不吞鈎鈎竿斫盡重栽竹不
計功程便得休後棄舟而逝不知所終





長生經小引

米澤藏書

嗚呼養生之理，隨化俱盡。芝蘭與蒲
艾，齋蓋瓊琤，占砥硤，共指順，何綿逸
曠，為長季，，，定易，以我陰符，洞古
聖，其叔，希回，悟真，諸篇，衍其流，或還
客，或致，靜，或固，煉，之，靈，或服，餌，九，還
或，採，形，為，秘，術，或，導，引，為，奇，功，以，其

截五子書者以人、殊強之不難在
為近是蓋大道之精實實難取
去智歸於自然其為也不以為之而
以不為也。喉法完而遂石髓難逢日
抽古丹經讀之一切男女黃白之說
悉皆屏去唯是靜室無為者銘于
何觀一取未是全覺願披沙具金所

論後得一系子畢者非即為志薰脩
得是後而存之希願之生忘教基之
喪法回之肉視漸入希幾全母大系
具之是編年何必出取丹臺秘錄而
枕藉之迺稱大還也

芳曆壬寅季冬朔還福道人洪應明
書於東淮小所



長生詮

還初道人自誠氏輯

清淨經

夫人神好清而心擾之人心好靜而欲牽之常
能遣其欲而心自靜澄其心而神自清

內觀其心心無其心外觀其形形無其形遠觀
其物物無其物三者既悟唯見於空觀空亦空
空無所空所空既無無亦無無亦無湛然

長生論 卷一
常寂

陰符經

心生於物死於物機在目

生者死之根死者生之根恩生於害害生於恩

洞古經

有動之動出於不動有爲之爲出於無爲無爲則神歸神歸則萬物云寂不動則氣泯氣泯則萬物無生

忘於目則光溢無極泯於耳則心識常淵兩機俱忘衆妙之門

養其無象象故常存守其無體體故全真全真相濟可以長生天得其真故長地得其真故久人得其真故壽

大通經

靜爲之性心在其中矣動爲之心性在其中矣心生性滅心滅性現如空無象湛然圓滿

長生論 卷一
大道無相故內不攝於有真性無爲故外不生
其心如如自然廣無邊際
對境忘境不沉於六賊之魔居塵出塵不落於
萬緣之化

定觀經

唯滅動心不滅照心但凝空心不凝住心
有事無事常若無心處靜處喧其志唯一制而
不着放而不動處喧無惡涉事無惱者此是真

定

不以涉事無惱故求多事不以處喧無惡強來
就喧以無事爲真宅有爲爲應迹若水鏡之爲
鑒則隨物而現形

胎息經

胎從伏氣中結氣從有胎中息氣入身來爲之
生神去離形爲之死知神氣可以長生固守虛
無以養神氣神行即氣行神住即氣住若欲長

長生論 卷一
生神氣相注

胎息銘

三十六咽一咽爲先吐唯細細納唯綿綿坐臥亦爾行立坦然戒於喧雜忌以腥羶假名胎息實曰內丹非止治病決定延年久久行之名列上仙

太上日用經

日用飲食禁口端坐莫起一念萬慮俱忘存神定意眼不視物耳不聽聲一心內守調息綿綿漸漸呼出莫教間斷似有若無自然心火下降腎水上升口裏津生靈真附體得至長生十二時中常要清淨神是氣之子氣是神之母如鷄抱卵存神養氣能無離乎

心印經

上藥三品神與氣精恍恍惚惚杳杳冥冥存無守有頃刻而成回風混合百日功靈默朝上帝

一紀飛昇

水火真經

欲從心起息從心定心息相依息調心靜

文始經

心感物不生心生情物交心不生物生識物尚非真何況於識識尚非真何況於情

目視瑠瑤者明愈傷耳聞交響者聰愈傷心思玄妙者心愈傷

以神存氣以氣存形所以延形合形於神合氣於氣所以隱形

吸氣以養其和孰能饑之存神以滋其煖孰能寒之

洞靈經

導筋骨則形全剪情欲則神全靖言語則福全保此三全是謂聖賢

玉樞經

長生論 卷一 五
道者以誠而入以默而守以柔而用用誠似愚
用默似訥用柔似拙

入道者知止守道者知謹用道者知微能知微
則慧光生能知謹則聖知全能知止則泰安定

冲虛經

務外遊不如務內觀外遊者求備於物內觀者
取足於身

至游者不知所適至觀者不知所眡

神遇爲夢形接爲事晝想夜夢神形所交故神
凝者想夢自消

南華經

山木自寇也膏火自煎也桂可食故伐之漆可
用故割之人皆知有用之用而莫知無用之用
也

至道之精窈窈冥冥至道之極昏昏默默

無勞女形無搖女精乃可長生目無所見耳無

所聞心無所知女神將守形形乃長生

三茅真經

谷虛應聲心虛應神神虛應氣氣虛應精精虛極則明明極則瑩超乎精神而無死生

精從內守氣自外生以氣取精可以長生

衛生經

精氣神爲內三寶耳目口爲外三寶當使內三寶不逐物而流外三寶不誘中而擾

洞神真經

寵辱不驚肝木自寧動靜以敬心火自定飲食有節脾土不泄調息寡言肝金自全恬靜無慾腎水自足

元道真經

草木根生去土則死魚鱉沉生去水則死人以形生去氣則死是故聖人知氣之所在以爲身寶

漢天師語

虛無大道清淨希夷不染曰清不動曰淨不視
曰希不聽曰夷勤此四者可免輪迴

純陽真人

一日清閑一日僊六神和合自安然丹田有寶
休尋道對境無心莫問禪

養氣忘言守降心爲不爲動靜知宗祖無事更
尋誰真常須應物應物要不迷不迷性自住性
住氣自回氣回丹自結壺中配坎離陰陽生返
復普化一聲雷白雲朝頂上甘露洒須彌自飲
長生酒逍遙誰得知坐聽無絃曲明通造化機
都來二十句端的上天梯

虛靜天師

不怕念起惟恐覺遲念起是病不續是藥
有定主無常應心欲死機欲活

大道不遠在身中萬物皆空性不空性若不空

和氣住氣歸元海壽無窮

欲得身中神不出莫向靈臺留一物物在心中
神不清耗散真精損筋骨

元神一出便收來神返身中氣自迴如此朝朝
併暮暮自然赤子產真胎

李真人

一吸便提氣氣歸臍一提便咽水火相見

三茅真君

靈臺湛湛似冰壺只許元神在裡居若向此中
留一物豈能證道合清虛

寒山子

冬則朝勿饑夏則夜勿飽早起不在鷄鳴前晚
起不過日出後心內澄則真人守其位氣內定
則邪穢去其身

玉虛子

物物元無物心非形亦非三般觀曉悟悟者不

長生論
卷一
九
知誰

無無藏妙有有有現真空湛然俱不立常寂性
融融

中黃真人

天門常開地戶須閉息息綿綿勿令斬鼻廢吸至
于根呼至于蒂子謂之神母謂之氣如鷄抱卵
似魚在水結就聖胎自然蟬蛻

馬丹陽

道性雖無修無證塵心要日損日消消到忘心
忘性方契無修無證

煉氣作生涯怡神爲日用常教龍虎調不使馬
猿弄

性定則情忘形虛則氣運心死則神活陽盛則
陰衰

修心要作長生客煉性當爲活死人

玄關秘論

心牽于事火動于中心火既動真精必搖故當
灰心以養氣息機以灰心

無心于事則無事于心故心靜生慧心動生昏

郝太古

境殺心則凡心殺境則仙

靜處煉氣鬧處煉神

王棲雲

心隨境轉境逐心生若要心定世人愛的我不

愛世人做的我不做紅塵萬緣勾引不動自然

心清意靜陰陽不能陶鑄

遣慾澄心亦是心將心擒慾慾應深爭如不起

群迷念方現無中百煉金

白玉蟾

大道以無心爲體忘言爲用柔弱爲本清淨爲
基

薄滋味以養氣去嗔怒以養性處卑下以養德

守清淨以養道

真火本無候大藥不計斤蓋神既火氣卽藥以
火煉藥而成丹卽以神馭氣而成道也使神馭
氣使氣歸神不過回光返照收拾念頭之一法
耳

夫金丹者採二八兩之藥結三百日之胎心上
工夫不在吞津嚥氣先天造化要須聚氣凝神
若要行持須憑口誥至簡至易非繁非難無中

養就嬰兒陰內煉成陽氣使金公生擒活虎令
姹女獨駕赤龍乾夫坤婦而媒假黃婆離女坎
男而結成赤子一爐火焰煉虛空化作微塵萬
頃冰壺照世界大如黍米神歸四大卽龜蛇交
合之時氣入四肢是烏兔鬱羅之處玉葫蘆迸
出黃金之液金鼓舊開成白玉之花正當風冷
月明時誰會山青水綠意

快活快活真快活虛空粉碎秋毫末輪迴生歿

幾千遭這回大死今方活舊時窠舊潑生涯于
今淨盡都掉脫元來爹爹只是爺懵懵懂懂自
瓜葛近來彷彿辨西東七七依前四十八如龍
養珠心不忘如雞抱卵氣不絕又似寒蟬吸曉
風又似老蚌含秋月一箇閑人天地間大笑一
声天地濶

我有明珠光爍爍照破三千大千國觀音菩薩
正定心釋迦如來大圓覺或如春色媚山河或
似秋光爽巖壑亦名九轉大還丹又謂長生不
死藥墻壁瓦礫相渾融水鳥樹林共寥廓缺唇
石女駕土牛跛脚木人騎紙鶴三業三毒雲去
來六根六塵月綽約此珠價大實難酬不許巧
錐妄穿鑿若要秘密大總持寂滅之中閑摸索
幾多衲子聽蟄雷幾個道人藏尺蠖茫茫盡向
珠外求不識先天那一着那一着何須重註脚
杜宇聲隨曉雨啼海棠夜聽東風落

烏兔乾坤鼎龜蛇復姤壇世間無事客心內大
還丹白虎水中吼青龍火裏蟠汞鉛泥藥艷金
木雪花寒離坎非心腎東西不肺肝三句窮七
返九轉出泥丸

司馬真人

夫欲修真先除邪行外事都絕無以于心然後
內觀正覺覺一念起卽須除滅隨起隨滅務令
安靜雖非的有貪着浮游亂想亦盡滅除晝夜
勤行須臾不替唯滅動心不滅照心但冥虛心
不冥有心不依一法而心常住此法玄妙利益
甚深

常默元氣不傷少思慧燭內光不怒百神和暢
不惱心地清涼不求無諂無驕不執可圓可方
不貪便是富貴不苟何惧君王味絕靈泉自降
氣定真息自長觸則形斃神游想則夢離屍僵
氣漏形歸后土念漏神趨歿鄉心歿方得神活

魄滅然後魂強轉物難窮妙理應化不離真常
至精潛于恍惚大象混于渺茫造化不知規準
鬼神莫測行藏不飲不食不寐是謂真人坐忘

孫真人

天地之間人爲貴頭象天兮足象地父母遺體
能寶之洪範九疇壽爲最衛生切要知三戒大
怒大慾併大醉三者若還有一焉須防損失真
元氣

欲求長生須戒性火不出兮心自定水還去火
不成灰人能戒性還延命貪慾無窮忘却精用
心不已失元神勞形散盡中和氣更仗何因保
此身

怒甚偏傷氣思多太損神神疲心易役氣弱病
相索勿使悲歡極常令酒食均再三防夜醉第
一戒晨噴亥寢鳴雲鼓寅晨嗽玉津妖邪難犯
已精氣自全真若要無諸病常常節五辛安神

長生證 卷一
宣悅樂惜氣保和純壽夭休論命修持本在人
君能尊此理平地可朝真

又逸曹仙姑

神是性兮炁是命神不外馳氣自定本來二物
互相親失却將何爲本柄

重陽祖師

棄了惺惺學得癡到無爲處無不爲眼前世事
只如此耳畔風雷迴不知兩脚任從行處去一
靈常與氣相隨有時四大薰薰醉借問青天我
是誰

理性如調琴緊則有斷慢則不應緊慢得中則
琴和矣又如鑄劍鋼則折錫多則卷鋼錫得中
則劍成矣

欲界色界無色界此三界也心忘念慮卽超欲
界心忘緣境卽超色界心不着空卽超無色界
離此三界神居仙聖之鄉性在清虛之境矣

李靖菴

心歸虛寂身入無為動靜兩忘內外合一到這
裡精自然化氣氣自然化神神自然還虛

無心真人

心田清靜性地平端念正身不離當處神歸
氣復性定精凝魂魄混融陰陽交媾丹田有寶
對鏡無心一氣歸根萬神朝祖沉沉默默捧捧
存存兀兀騰騰綿綿相續方是修行底活計辨

道底家風

石杏林

萬物生皆歿元神歿復生以神居氣內丹道自
然成

心天無點翳性地絕塵飛夜靜月明處一聲春
鳥啼

施肩吾

氣本延年藥心為使氣神能知行氣主便可作

真人

張紫陽

含眼光凝耳韻調鼻息緘舌氣是謂和合四象
眼不視而魂在肝耳不聽而精在腎舌不聲而
神在心鼻不香而魄在肺四肢不動而意在脾
是謂五氣朝元精化爲氣氣化爲神神化爲虛
是謂三化聚頂

虛無生白雪寂靜發黃芽玉爐火溫溫鼎上飛
紫霞

華池蓮花開神水金波淨夜深月正明天地一
輪鏡

龍從東海來虎向西山起兩獸戰一場化作天
地髓

大道元來一也無若能守一我神居此心瑩若
潭心月不滯絲毫真自如

水火從來一處居看時覺有覓時無細心調燮

文兼武片餉教君結玉酥

心者神之舍目者神之牖目之所至心亦至焉
故內煉之法以目視鼻以鼻對臍降心火入于
氣海功夫只在片餉而已

海上道人

但向起時作還于作處收蛟龍莫放睡雷雨直
須休要會無窮火常觀未盡油夜深人散後唯
有一燈留

朱紫陽

靜極而噓如春沼魚動極而吸如百蟲蟄春魚
得氣而動其動極微寒蟲含氣而蟄其蟄無朕
調息者須似之綿綿密密幽幽微微呼則百骸
萬竅氣隨以出吸則百骸萬竅氣隨以入調之
不廢真氣從生藥物之老嫩浮沉火候之文武
進退皆于真氣中求之嗚呼盡矣

譚景昇

長生論 卷一 十九
悲則兩淚辛則兩涕憤則結瘦怒則結疽心之
所欲氣之所屬無所不育邪苟爲此正必爲彼
是以大人節悲辛誠憤怒得灑氣之門所以收
其根知元神之囊所以韜其光若蚌內守若石
內藏所以爲珠玉之房

忘形以養氣忘氣以養神忘神以養虛只此忘
之一字便是無物境界六祖云本來無一物何
處惹塵埃其謂是歟

魏伯陽

耳乃精竅目乃神竅口乃氣竅若耳逐于聲便
精從聲耗而不固目蕩于色便神從色散而不
凝口多言語便氣從言走而不聚安得打成一
片以爲丹塞修行之人若不于此三寶關鍵收
拾向裏無有是處

今人精從下流炁從上散水火相背不得凝結
皆是此心使然心苟愛念不生此精必不下流

心苟念念不生此炁必不上炎一念不生萬慮
澄徹則水火自然交媾矣

陳虛白

混沌生前混沌圓個中消息不容傳擘開竅內
竅中竅踏破天中天外天斗柄逆旋方有象台
光返照始成仙一朝撈得潭心月覷破胡僧面
壁禪

夫神與氣精三品上藥煉精成氣煉氣化神煉
神合道此七返九還之妙藥也然產藥有川源
採藥有時節製藥有法度入藥有造化煉藥有
火功西南有鄉土名黃庭恍惚有物杳冥有精
分明一味水中金但向華池仔細尋此產藥之
川源也垂簾塞兌窒慾調息離形去智幾于坐
忘勸君終日默如愚煉成一顆如意珠此採藥
之時節也天地之先無根靈草一意製度產成
至寶大道不離方寸地功夫細密要行持此製

藥之法度也心中無心念中無念注意規中一
无還祖息息綿綿無間斷行行坐坐轉分明此
入藥之造化也清淨藥材密意爲先十二時中
无煉火煎金鼎常教湯用煖玉爐不使火少寒
此煉藥之火功也

採時爲之藥藥中有火焉煉時爲之火火中有
藥焉能知藥而收火則定裏自丹成古詩云藥
物陽內陰火候陰內陽會得陰陽理火藥一處

其義也必以神馭氣以氣定息呼吸出入
自然專无致柔含光默默行住坐臥綿綿
杳杳如婦人之懷孕如小龍之養珠漸採漸煉
漸疑漸結工夫純粹打成一片動靜之間更宜
消息念不可起起則火炎意不可散散則火冷
但使操舍得中神无相抱斯謂之火種相續丹
鼎相温煉之一刻一刻之周天也煉之一日一
日之周天也无子午卯酉之法無晦朔弦望之

期聖人傳藥不傳火之旨盡于此矣

丘長春

青天莫起浮雲障雲起青天遮萬象萬象森羅
鎮百邪光明不顯邪魔旺我初開廊天地清萬
戶千門歌太平有時一片黑雲起九竅百骸俱
不寧是以長教慧風烈三界十方飄蕩徹雲散
虛空體自自然現出家月月下方堪把笛吹
一鼓響亮振華夷驚起東方玉童子倒騎白鹿
如星馳縱橫自在無拘束心不貪榮身不辱閑
唱壺中白雪歌靜調世外陽春曲我家此曲皆
自然管無孔今琴無絃得來驚覺浮生夢晝夜
清音滿洞天

炁無升降息定謂之真鉛念無生滅神凝謂之
真汞息有一毫之不定形非我有散而歸陰非
真鉛也念有一毫之不澄神不純陽散入鬼趣
非真汞也

翠玄真人

煉氣徒施力存神枉用功豈知丹訣妙鎮日翫
真空

玉液滋神室金胎結氣樞只尋身內藥不用檢
丹書

火棗元無核交梨豈有杳終朝行火候神水灌
金花

神氣歸根處身心復命時這般真孔竅料得少
人知

萬籟風初起千山月正圓急須行正令便可運
周天

雲散海棠月春深楊柳風阿誰知此意舉目問
虛空

紫霞山人

丹卽筌啼道卽魚忘筌得道證空虛莫堅守抱
無爲一撲碎虛空一也無妙有靈光常赫赫含

容法界自如如隨緣應感常清淨九載金剛不
壞軀

抱一子

耳不聽則坎水內澄目不視則離火內營口不
言則兌金不鳴三者既閉則真人遊戲于其中

陳泥丸

修仙有三等煉丹有三成上品丹法以身為鉛
以心為汞以定為水以慧為火在片餉之間可
以凝結成胎中品丹法以氣為鉛以神為汞以
午為火以子為水在百日之間可以混合成象
下品丹法以精為鉛以血為汞以腎為水以心
為火在一年之間可以融結成功

李道純

真鉛真汞大丹頭採取當于罔象求有作有為
終有累無求無執便無憂常清常淨心珠現忘
物忘機命寶周動靜兩途無窒碍不離常處是

三元大藥意心身着意心身便係塵調息要調
真息息煉神須煉不神神頓忘物我三花聚猛
棄機緣五氣臻八達四通無罣碍隨時隨處闡
全真

性天大察長根塵理路多通增業識聰明智惠
不如愚雄辯高譚爭似嘿絕慮忘機無是非隱
耀含華遠聲色一念融通萬慮澄三心剔透諸
緣息諦觀三教聖人書息之一字最簡直能于
息上做工夫爲佛爲仙不勞力息緣返照禪之
機息心明理儒之極息氣凝神道之玄三息相
須無不克

天來子

欲撈北海波心月先縛南山嶺上雲若也有人
知此意便堪飛鳥見元君

半輪月照西江上一箇鳥飛北海頭月落鳥飛

尋不見廣寒宮內倒騎牛

玄牝之門鎮日開中間一竅混靈臺無關無鎖
無人守日月東西自往來

採藥要明天上月修行須識水中金月無庚氣
金無水縱有真鉛枉用心

無夢子

身為車兮心為軾車動軾隨無計息交梨火棗
是誰無自是不除荆與棘

身為客兮心為主主人平和客安處若還主客
不安寧精神管是辭君去

龍眉子

溟滓無光太極先風輪激動產真鉛都因靜極
還生動便自無涯作有邊一氣本從虛裏兆兩
儀須信定中旋生生化化無窮盡幻作壺中一
洞天

紫虛了真子

長生記 卷一 二十七
乾坤橐籥鼓有數離坎乃圭採有時鉛龍升兮
汞虎降龜蛇上下兩相持天上日頭地下轉海
底蟬娟天上飛乾坤日月本不運皆因斗柄轉
其機人心若與天心合顛倒陰陽只片時虎龍
戰罷三田靜拾取玄珠種在泥黃婆媒合入中
宮嬰兒姹女相追隨年中用日日用時刻裏工
夫妙更奇暗合斗牛共歡會天機深遠少人知

瑩瞻子

抱元守一通玄竅惟精惟一明聖教太玄真一
復命關是知一乃真常道休言得一萬事畢得
一持一保勿失一徹萬融天理明萬法歸一非
奇特始者一無生萬有無有相資可長久誠能
萬有歸一無方會向南觀北斗至此得一復忘
一可與造化同出歿設若執一不能忘大似癡
猶守空窟三五混一一返虛返虛之後虛亦無
無無既無湛然寂西天鬍子沒鬍鬚今人以無

長生詩 卷一
二九
喚作茫然蕩頑空涉畏途今人以一喚作一偏
枯苦執空費力不無之無若能會便于守一知
無一一無兩字盡掀翻無一先生大事畢

日用總玄玄時人識未全常推心上好放却口
頭禪法法非空法傳傳是妄傳不曾修福始焉
得有禍先不益便無損不變豈能遷莫看嗔和
喜何愁述與遭不作善因果那得惡姻緣打開
人我網跳出是非圈休思今世後放下未生前
既無塵俗累何憂業火煎有無俱不立虛實任
相連來去渾忘却生歿何預焉饑來一碗飯渴
則半甌泉興來自消遣困去且打眠達者明此
義休尋天外天見前赤灑灑末後亮娟娟

導引法

閉目冥心坐握固靜思神叩齒三十六兩手抱
崑崙左右鳴天鼓二十四度聞微擺撼天柱赤
龍攪水津漱津三十六神水滿口勻一口分三

長生訣 卷一 二十六
燕龍行虎自奔閉氣搓手熱背摩後精門盡此
一口氣想火燒臍輪左右輓轡轉兩腳放舒伸
叉手雙虛托低頭扳足頻以候逆水上再嗽再
吞津如此三度畢神水九次吞燕下汨汨響百
脉自調勻河車搬運訖發火遍燒身邪魔不敢
近夢寐不能昏寒暑不能入灾病不能迤子午
午前作造化合乾坤循環次第轉八卦是良因

杜道堅

至道不遠今恒在目前竊天地之機今修成胎
仙妙莫妙今變吾之神安以待之今若存而綿
綿黃帝求玄珠今象罔乃得此理可心會今非
言所傳虛極靜篤今恍惚變化綢緼蟠媁今如
烟雲之回旋龍吟虎嘯今鉛汞交結依時採取
今進火烹煎劍挂南宮閉固神室煉成五色石
今補自己之青天結胎片餉今運火一年如靈
鷄之抱卵今萬慮俱捐轉天根月窟之關鍵今

長生詩 卷一 三十
往來上下融融液液今真氣周匝乎三回勤而
行之勿計得喪累土成層臺今積涓流而成川
機緣難偶今時不待人下手速今慎毋待霜雪
之蒲顛

許真人

未開關空打坐無有麥子推甚磨枉勞神空錯
過生从輪迴躲不過開得關透得鎖三車搬運
真水火湧泉直至泥丸宮縱橫自在都由我關
未開鎖未動休胡扭捏莫胡弄自己性命固不
得卻去人間說鉛汞人人本有三關路夾脊雙
關透頂門修行正路此爲根華池神水頻吞燕
紫府元君逆上搬常使氣冲關節透自然精滿
谷神存只願谷神長不死世間都是壽長人

薛真人

修養工夫顛倒顛行持造化坎離先池中玉液
頻頻燕肘後金精轉轉還玄中妙妙中玄得此

長生論 卷一 三十一
神丹益壽年谷關緊鎖真消息便是人間不老
仙

逍遙子

父母未生前與母共相連十月胎在腹能動不
能言晝夜母呼吸往來通我玄無情生有情虛
靈徹洞天剪斷臍帶子一點落根源性命歸真
土此處覓真鉛時時防意馬刻刻鎖心猿迷失
當來路輪迴苦萬千若遇明師指說破妙中玄
都來二十句端的上青天

丹田完固氣歸根氣聚神凝道合真久視定須
從此始莫教虛度好光陰

卻老扶衰別有方不須身外覓陰陽玉關謹守
嘗淵默氣固神完壽自康

攝生要旨

眼者神之牖鼻者氣之戶尾閭者精之路人多
視則神耗多息則氣虛多嗜慾則精竭務須閉

目以養神調息以養氣堅閉下元以養精精充則氣裕氣裕則神完是謂道家三寶

覺與陽合寐與陰併覺多則魂強寐久則魄壯魂強者生之人魄壯者死之徒也故善養生者必餐元和減滋味使神清氣爽晝夜常醒是乃長生之道

去暴怒以養性少思慮以養神省言語以養氣絕嗜慾以養精

後可行功用力

修真秘錄

人心久任之則浩蕩而忘返頓棲之又超躍而無垠任之則蔽乎我性棲之則勞乎我神致靜者奚方而靜蓋心本至寧感物而動既習動而播遷亦習靜而恬晏故善習靜者將躁而制之以寧將邪而閑之以正將求而抑之以恬將濁而澄之以清優哉游哉不欲不營行于是止于

是造次於是逍遙於是久之則物宜於外神鑒於內不思靜而自靜矣

修真之士先要降心君不降心焉能見性既不見性何以立命性命不備安得成真故降得一分欲心便存得一分道心

心爲五陽之主腎爲五陰之主五陰升而爲水五陽降而爲火而臍在人身之中名曰中宮命府包藏精髓貫通氣脉善養者自離並坎填離心息相依使二氣相交水火既濟自然一氣純陽身輕體健

嬰兒之在母胎也母呼亦呼母吸亦吸口鼻皆閉而唯以臍通焉及其生也剪去臍蒂則一點真元之氣聚於臍下故臍者生之根氣之蒂也人能虛心凝神回光內照於真人呼吸處隨其上下順其自然而存之心與息相依神與氣相守念念相續打成一片自然神氣歸根性命合

一
人在氣中如魚在水中水以養魚而魚不知氣以養人而人不覺養氣者須自調息始調息之法先靜坐澄心宛若禪寂以目視鼻以鼻對臍調勻呼吸勿令喘急吸時氣自下而上呼時氣自上而下一上一下若存若亡毋令間斷亦毋令矜持但隨其出入少加調停爾

人身元神常在於目五藏精華亦聚於目攷陰符經曰機在目道德經曰不見可欲使心不亂是以內養之法常要兩目垂簾迴光自照降心火於丹田使神藏於淵不致外馳自然神氣相抱長生可期

冬至小叅文

身中一寶隱在丹田輕如密霧澹似飛煙上至泥丸下及湧泉乍聚乍散或方或圓表裏瑩徹左右回旋遇陰入地逢陽升天金翁採汞姪女

擒鉛依時運用就內烹煎冬至之後夏至之前
金鼎湯沸玉爐火燃龍吟東岳虎嘯西川黃婆
無爲了公默然身中夫婦雲雨交歡天一生水
在乎清源離已坎戊以土爲先土中有火妙在
心傳如龍養珠波涵玉淵如鷄抱卵暖氣綿綿
磁石吸鐵自然通連花蒂含實核中氣全不守
之守如一物存始由乎坎終至乎軋卯酉沐浴
進退抽添有文有武可陶可甄聖胎既就一錠
三關卻使河車運水登山三尸六賊膽碎心寒
銀盃盛雪一色同觀玉壺涵水卽成大還一聲
雷電人在頂門青霄萬里蟾光一輪

冬至詞

因看斗柄運周天頓悟神仙妙訣一點真陽生
坎位點卻離宮之缺造化無聲水中起火妙在
虛危穴今年冬至梅花衣舊凝雪

先聖此日閉關不通來往都爲羣生設物物含

生意正在子初亥末自古乾坤這些離坎日日
無休歇如今識破金烏飛入蟾關

玄牝歌

華池神水天地根煉之餌之命長生自古神仙
無別說皆因玄牝入真門借問如何是玄牝嬰
兒未生先兩腎兩腎中間一點明逆則丹成順
成人一陽起處便下手黑中取白無中有一時
身內長黃芽九載二年徒自守世人若識真玄
牝不在心今不在腎窮取生身受氣初莫性天
機輕洩盡

修真口訣

修真之要只在性命兩字離了性命便是旁門
世人不知何者為養性洞賓以煉心曉之不知
何者為立命張許以伏氣喻之心無所住方是
真如此養性也氣入身來沉歸元海此立命也
道家以精氣神三寶為丹頭然煉精之要在乎

身身不動則無欲而精全煉氣之要在乎心心
不動則無念而氣全煉神之要在乎意意不動
則身心合而返虛故神全是故精氣神爲三元
藥物身心意爲三元至要

長生詮卷之一終

無生訣小引

按自園旨方以迄喙自跋行種
有坊率稱有生通聖星氏出焉
悲願猶唱有生宗旨是義之何益
十方世界中一切業軀幻泡條
散隨毀隨成敗生焉生故展轉
猶種子了乃氣真空實性文歷劫而

不生無鑄羣生而每扣率東不滅何自
有生洵無生之生迺生之所為每當
也今余生而纏結世網無得解脫爰
錄無生一帙以備半偈其謂洗心每
生之何者快去影留取母乃自生得
得乎嗟之百千生以悟者則悟則攝
所為能緣者否覺即佛說四十二章

至一大藏經義者原心殊不悟強
跡面聖終子比金人磨與堅極為頑
宜斷凡馮河鈔入園通毒經之有法
悟身法無脩解只修以證無生者庶
比如是觀
弟曆之實存心邪還初道人此應朋
之於東淮也邸



無生訣

還初道八自誠氏輯

釋迦牟尼佛

法本法無法無法法亦法今付無法時法法何
曾法

摩訶迦葉尊者

法法本來法無法無非法何于一法中有法有
不法

無生言 卷
商那和修尊者

非法亦非心無心亦無法說是心法時是法非
心法

優波鞠多尊者

心自本來心本心非有法有法有本心非心非
本法

鶴勒那尊者

認得心生時可說不思議了了無可得得時不
說知

菩提達磨大師

在胎爲身在世爲人在眼曰見在耳曰聞在鼻
辨香在口譚論在手執捉在足運奔遍現俱該
法界收攝在一微塵識者知是佛性不識喚作
精魂

亦不覩惡而生嫌亦不觀善而勤措亦不捨智
而近愚亦不拋迷而就悟達大道今過量通佛

心今出度不與凡聖同纏超然名之曰祖
迷時人逐法解時法逐人解則識攝色迷則色
攝識但有心分別計較自心現量者悉皆是夢
若識取心本寂滅無一動念處是名正覺

僧璨大師

華種雖因地從地種華生若無人下種華地盡
無生

至道無難唯嫌揀擇但莫愛憎同然明白圓同

太虛無欠無餘良由取捨所以不如莫逐有緣
莫逐空恐一種平懷泯然自盡止動歸動止更
彌動惟滯兩邊寧知一種一種不通兩處失功
遣有沒有從空背空歸根得旨隨照失宗須臾
返照勝却前空前空轉變皆由妄見不用求真
唯須息見二由一有一亦莫守一心不生萬法
無咎無咎無法不生不心能由境滅境逐能沉
境由能境能由境能欲知兩段元是一空一空

無生論
卷一
同兩齊含萬象智者無爲愚人自縛法無異法
妄自愛着將心用心豈非大錯迷生寂亂悟無
好惡一切二邊良用斟酌夢幻空花何勞把着
得失是非一時放却眼若不睡諸夢自除心若
不異萬法一如止動無動動止無止兩旣不成
一何有爾一卽一切一切卽一但能如是何慮
不畢

一切無心自性戒一切無礙自性慧不增不退
自金剛身去身來本三昧

不見一法存無見大似浮雲遮日面不知一法
守空知還如太虛生閃電此之知見瞥然興錯
認何會解方便汝當一念自知非自己靈光常
顯見

弘忍大師

有情來下種因地果還生無情旣無種無性亦
無生

無生論 卷一
四
慧能大師

菩提本無樹明鏡亦非臺本來無一物何處惹
塵埃

心迷法華轉心悟轉法華誦經久不明與義作
仇家無念念卽正有念念成邪有無俱不計長
御白牛車

定是慧體慧是定用卽慧之時定在慧卽定之
時慧在定猶如燈光有燈卽光無燈卽暗燈是
光之體光是燈之用名雖有二體本不殊

欲求見佛但識衆生只爲衆生迷佛非是佛迷
衆生自性若悟衆生是佛自性若迷佛是衆生
自性平等衆生是佛自性儉邪佛是衆生我心
自有佛自佛是真佛自若無心佛何處求真佛
故經云心生種種法生心滅種種法滅

凡夫卽佛煩惱卽菩提前念迷卽凡夫後念悟
卽佛前念着境卽煩惱後念離境卽菩提

法融禪師

境緣無好醜好醜起於心心若不強名妄情何處起妄情既不起真心任偏知

慧忠禪師

念想由來幻真性無終始若得此中意長波當自止

人法雙淨善惡兩忘直心真意菩提道場

神秀禪師

一切佛法自心本有將心外求捨父逃走

南岳思大師

道源不遠性海非遙但向已求莫從他覓覓卽不得得亦不真

天皇悟公

任性逍遙隨緣放曠但盡凡心別無聖解

本淨禪師

佛因心悟心以佛彰若悟無心佛亦不有

道本無心無心名道若了無心無心即道

見聞知覺無障礙聲香味觸常三昧如鳥空中

只麼飛無取無捨無憎愛若會應處本無心始

得名為觀自在

見道方修道不見復何修道性如虛空虛空何

所有徧觀修道者撥火覓浮漚但看美傀儡線

斷一齊休

推真真無相窮妄妄無形返觀推窮心知心亦

假名

善既從心生惡豈離心有善惡是外緣於心實

不有捨惡送何處取善令誰守傷嗟二見人攀

緣兩頭走若悟本無心始悔從前咎

南陽忠國禪師

青夢蚩緣直上寒松之頂白雲澹泞出歿太虛

之中萬法本閑而人自鬧

衆生迷時結性成心猶寒則水凝為水衆生悟

時釋心成性猶暖則冰渙為水

法法法元無法空空空亦不空靜喧語默本來
同夢裡何勞說夢有用用中無用無功功裡施
功還如果熟自然紅莫問如何修種

盤山積公

心月孤圓光吞萬象光非照境境亦非存光境
俱忘復是何物

大珠海公

若不隨聲色動念不逐相貌生解自然能無事
去

般若經云九類眾生一身具足隨造隨成是故
無明為卵生煩惱包裹為胎生愛水浸潤為濕
生歟起煩惱為化生悟即是佛迷號眾生菩薩
以念念心心為眾生若了念念體俱空名度眾
生也智者於自本際上度於未形未形既空即
知實無眾生得滅度者

善慧大士

有物先天地無形本寂寥能爲萬象主不逐四
時凋

空手把鋤頭步行騎水牛人從橋上過橋流水
不流

夜夜抱佛眠朝朝還共起起坐鎮相隨語默同
居止纖毫不相離如形影相似欲識佛去處祇
這語聲是

鑒貞禪師

眼光隨色盡耳識逐聲消還源無別旨昨日與
今朝

夾山密公

心本是佛因念起而漂沉岸實不移因舟行而
驚驟

玄沙備公

鏡照諸像不亂光輝鳥飛空中不雜空色

傳大士

水中鹽味色裏膠青畢竟是有不見其形

妄計因成執迷繩謂是蛇疑心生暗鬼病眼見
空花一境雖無異三人乃見差了茲名不實長
御白牛車

法雲白公

離朱有意白浪徒爾滔天象罔無心明珠忽然
在掌

永明壽公

如隨色之摩尼衆相現而本體不動似應聲之
山谷羣響發而起處無心

孤猿叫落中岩月野客吟殘半夜燈此境此時
誰會得白雲深處坐禪僧

真心自體非言所詮湛如無際之虛空莹若圓
明之淨鏡毀替不及義理難通不可以有無處
所窮其幽迹不可以識智言詮譚其妙體唯有

入者只在心知如擣萬種而爲香爇一塵而已
具足衆氣似入大海而澡浴掬微滴而已用百
川
見性之時性本離念非有念而可除觀物之際
物本無形非有物而可遣

滿眼見色滿耳聞聲不隨不壞方了色聲正性
若隨聲色之門卽墮凡夫若壞色聲之相卽入
小乘是以如來正眼普照無遺豈同凡夫生盲
二乘眇目則逢緣不礙觸境無生

龐蘊居士

但願空諸所有慎勿實諸所無

水明壽公

真源湛寂覺海澄清絕名相之端無能所之迹
最初不覺忽起動心因明起照隨照立塵如鏡
現像頓起根身從此遺真失性執相徇名積滯
着之情塵結相續之識浪鑱真覺於夢夜沉迷

三界之中瞽智眼於昏衢匍匐九居之內向不
遷境上虛受輪回於無脫法中自生繫縛如春
蠶作繭似秋蛾赴燈以二見妄想之絲纏苦聚
之業質用無明貪愛之翼撲生死之火輪復有
邪根外種小智權機不了生死之病源罔知人
我之見本唯欲厭喧斥動破相析塵雖云味靜
冥空不知埋真拒覺如不辨眼中之赤青但滅
燈上之重光罔窮識內之幻身空避日中之虛
影斯則勞形役思喪力捐功不異足水助冰投
薪益火豈知重光在青虛影隨身除病眼而重
光自消息幻質而虛影當滅若能回光就已反
境觀心佛眼明而業影空法身現而塵迹絕以
自覺之智刃剖開纏內之心珠用一念之慧鋒
斬斷塵中之見網此誠窮心之旨達識之詮

慈雲慧禪師

片月浸寒潭微雲映碧空若於達道人好個真

消息

黃山輪公

投赤水以尋珠入荆山而覓玉從門入者不是
家珍認影迷頭豈非大錯

天衣懷公

雁過長空影沉寒水雁無遺踪之意水無留影
之心

圭峯禪師

用則波騰海沸全真體以運行體則鑑明水靜
舉隨緣而會寂

心無自相託境方生境性本空由心故現

智真禪師

心本絕塵何用洗身中無病豈求醫欲知是佛
非身處明鑑高懸未照時

李長公

十世古今終始不離於當念無邊刹境自他不

無生記 卷一
隔於毫端智凡不礙狀多鏡以納衆形彼此無妨若干燈而共一室

天臺觀公

高超名相妙體全彰迥出古今真機獨露握驪珠而鑑物物物流輝擲寶劍以揮空空空絕迹

雲門侃公

塵勞未破觸境千差心鑑圓明絲毫不立靈光
交光獨露真常今古兩忘聖凡雙絕到遮裏始

能卷舒自在應用無虧出沒往還人間天上

大靜禪師

夜間閒坐心念紛飛卻將紛飛之心以究紛飛之處究之無處則紛飛之念何存返究究心則能究之心安在

能照之智本空所緣之境亦寂寂而非寂者蓋無能寂之人也照而無照者蓋無所照之境也境智俱寂心慮安然此乃還源之要道也

見物便見心無物心不現十分通塞中真心無
不通若生知識解卻成顛倒見覩境能無心始
見菩提面

永嘉禪師

心與空相應則譏毀贊譽何憂何喜身與空相
應則刀割香塗何苦何樂報與空相應則施與
劫奪何得何失

心不是有心不是無心不非有心不非無是有
是無卽墮是非有非無亦墮非

絕學無爲閒道人不除妄想不求真無明實性
卽佛性幻化空身卽法身法身覺了無一物本
原自性天真佛五陰浮雲空去來三毒水泡虛
出沒

寂寂生無記惺惺生亂想寂寂雖能治亂想而
還生無記惺惺雖能治無記而還生亂想故曰
惺惺寂寂是無記寂寂非寂寂惺惺是亂想惺

惺非

凡人多於事礙理境礙心常欲逃境以安心遺事以存理不知乃是心礙境理礙事但令心空境自空理寂事自寂勿倒用心也

此法卽心心外無法此心卽法法外無心心自無心亦無無心者若將心無心心卻反成有

爲有貪嗔癡故立戒定慧本無煩惱焉用菩提故祖師云佛說一切法爲除一切心我無一切

心何用一切法

寶積經

悟心容易息心難息得心源到處閒斗轉星移天欲曉白雲依舊覆青山

陵郁山主

我有明珠一顆久被塵勞關鎖今朝塵盡光生照破山河萬堞

佛日才公

城市喧繁山林寂靜雖然如此動靜一如生死
不二四時輪轉物理自然夏不去而秋自去風
不涼而人自爽

廣慧禪師

佛爲無心悟心因有佛迷佛心清淨處雲外野
猿啼

圓悟禪師

鳥飛空境鳥過而空中還留影否魚遊淨境魚
逝而淨內尚遺跡否聖心應物亦復如是

善勝禪師

揚聲止響不知聲是響根弄影逃形不知形爲
影本以法問法不知法本無法以心傳心不知
心本無心

龍濟禪師

風動心搖樹雲生性起塵若明今日事昧卻本
來人

翠竹黃花非外境
白雲明月露全身
頭頭盡是吾家物
信手拈來不是塵

無着禪師

一葉扁舟泛渺茫
呈撓舞棹別宮商
雲山水月都拋卻
贏得莊周一夢長

雲駛月運舟行岸移
不知妄想之雲自飛
真月何動攀緣之舟
常汎覺岸靡移

雲巖禪師

一翳在目千華亂
空一妄在心恒沙生
滅翳除華盡妄滅
真存病差藥除冰融
水在

飈谷投響則毀譽共銷
月池浸色則物我謝俱

在欲渾無欲居塵不染
塵百花叢內過一葉不
黏身

景岑禪師

礙處非墻壁
通處沒虛空
若人如是解
心色本來同

無生語 卷一
晦堂禪師

愚人除境不除心智者除心不除境不知心境
本如如觸目遇緣常鎮定

南臺和尚

南臺靜坐一爐香終日凝然萬慮忘不是息心
除妄息都緣無事可思量

宗一禪師

美玉藏頑石蓮華出淤泥須知煩惱處悟即是

菩提

曰空祇爲破有曰有亦以除空亦復以有息有
以空消空乃至言語道斷心思路絕尚不名空
何曾號有

仲宣禪師

凡聖本來不二迷悟豈有殊途非涅槃之可欣
非生死之可厭但能一言了悟不起坐而印證
無生一念回光不舉步而遍週沙界

無生言 卷一 廿九
感而遂通猶蟾光之映水靜而善應若空谷之
隨聲

論佛性則空論佛心則實有此實心斯佛性不
爲頑空有此空性斯佛心不爲着象

紹悟禪師

一重山盡一重山坐斷孤峰子細看雲捲霧收
山岳靜楚天空濶一輪寒

智間禪師

秋月之輝離喧始見寒泉之響入定乃聞故動
念失覺息念冥真

種福果於耳根開覺花於心地

有爲雖僞棄之則佛道難成無爲雖真執之則
慧性不朗

孤峯長老

日用無非道心安卽是禪幽棲雲壑底夢寐雪
蓬邊

惟寬禪師

真修者不得勤不得忘勤卽近執着忘卽落無明

萬漚起而復破水性常存千燈明而復滅火性原在忘情之心不住於相如湯消冰冰湯俱盡無可分別觸境之心未能不動如谷應聲卽應卽止無復有餘

宗一禪師

秋潭月影靜夜鐘聲隨叩擊以無虧觸波瀾而不散

開先照禪師

諸人心心不停念念無住若能不停處停念處無念自合無生之理

以一散萬月墜萬川卽萬影收萬歸一水歸一壺惟一月展則彌輪法界收來毫髮無端

玉泉遠禪師

無生詩
卷一
一印印空萬象收歸古鑑中一印印水秋蟾影
落千江裏一印印泥細觀文彩未生時

保寧禪師

三界唯心萬法唯識檻外雲生簷前雨滴澗水
湛如藍山花開似錦此時若不究根源直待當
來問彌勒

佛鑑禪師

至道無難唯嫌採擇桃花紅李花白誰道融融
只一色紫燕語黃鶯鳴誰道關關只一聲

明鏡當臺豈分靜躁孤雲出岫寧係去留
因妄說真真無自相從真起妄妄體本虛妄既
歸空真亦不立

智達禪師

境立心便有心無境不生境虛心寂寂心照境
冷冷

於水鏡中見自己像於燈月中見自己影於山

谷中見自己聲

白圭兆禪師

空中飛鳥不知空是家鄉水底遊魚忘却水爲
性命諸人請各立地定着精神一念迴光豁然
自照何異空中紅日獨運無私盤內明珠不撥
自轉

琳公

其宗也離心意識其旨也超去來今離心意識
故品萬類不見差殊超去來今故盡十方更無
滲漏當頭不犯徹底無依悟向朕兆未生之前
用在功勳不犯之處

昭覺白師

添一絲毫如眼中着 屑減一絲毫似肉上剜
瘡

依法不依人依義不依語依智不依識依了經
義不依不了經義

寒便向火熱卽搖扇饑時吃飯困來打眠所以
道趙州庭前柏香巖嶺後松栽來無別用祇爲
引清風

雲峰濬師

瘦竹長松滴翠香流風疎月度微涼不知誰住
原西寺每日鐘聲送夕陽

風柯月渚並可傳心烟島雲林咸提妙旨

寶誌和尚

夢身臨鏡照影影與妄身不殊但欲去影留身
不知身亦本虛身本與影不異不得一有一無
若欲存一捨一永與真理相踈更若愛聖憎凡
生死海裏沉浮煩惱因心故有無心煩惱何居
不勞分別取相自然得道須臾

龍牙和尚

在夢那知夢是虛覺來方覺夢中無迷時恰是
夢中事悟後還同睡起夫

無生談 卷一 二四
尋牛須訪迹學道訪無心迹在牛還在無心道
易尋

文益禪師

一朵齒苞蓮兩株青瘦栢長何僧家庭何勞問

高格

同安禪師

枯木岩前差路多行人到此盡蹉跎鷺鷥立雪
非同色明月蘆花不似他了了了時無所了玄
玄玄處亦須呵慙懃爲唱玄中曲空裏蟾光捉
得麼

雲頂山僧

閒坐冥然聖莫知縱言無物比方伊石人把板
雲中拍水女含笙水底吹若道不聞渠未曉欲
尋其響你還疑教君唱和仍須和休問宮商竹
與絲

丹霞和尚

識得衣中寶無明醉自醒百骸雖潰散一物鎮
長靈知境渾非體神珠不定形悟則三身佛迷
疑萬卷經在心心可測歷耳耳難聽罔象先天
地玄泉出杳冥本剛非鍛鍊元淨莫澄渟盤泊
輪朝日玲瓏映曉星瑤光流不滅真氣觸還生
鑒照崆峒寂羅籠法界明解語非關舌能言不
是聲絕邊弭汗漫無際等空平見月非觀指還
家莫問程識心心則佛何佛更堪成

通智禪師

真我本有迷之而無妄我本無執之而有
若要了心無心可了無了之心是名真心
真妄交徹卽凡心而見佛心事理雙修依本智
而求佛智

崇化贊師

印空印泥印水平地寒濤競起假饒去就十分
終是靈龜曳尾

僧澹交題像

圖形期自見自見卻傷神已是夢中夢更逢身
外身水花疑幻質墨彩聚空塵堪笑余兼爾俱
爲未了人

遜庵珠師

玉露垂青草金風動白蘋一聲寒雁過喚越未
醒人

如日發焰帶微塵而共紅非實紅也如水澄清
含輕雲而俱綠非實綠也

山谷公

衲僧命脉古佛心宗如淨月輪出則萬波分影
如吹毛劔用則千里無人

慾火而以戒沃之嗔火而以定沃之無明火而
以慧沃之靈泉混混消除煩躁之衷智水涓涓
灌溉清涼之俯千江有水一輪寶月映寒潭萬
井無烟遍地金風吹冷面

山堂浮師

堪胝一指頭一毛拔九牛華岳連天碧黃河徹
底流截着指急回眸青箬笠前無限事綠簑衣
底一時休

覺海禪師

碧落埤無雲秋空明有月長江空如練清風來
不歇林下道人幽相看情共悅雖然猶是建化
門中事作麼生是道人分上事問來石上觀流
水欲洗禪衣未有塵

臨濟禪師

一念心疑被地來碍一念心愛被水來溺一念
心嗔被火來焚一念心喜被風來飄若能如是
辨得不被境轉便處處用境

纔涉唇吻便落意思直饒透脫猶在沉淪終日
吃飯未曾咬着一粒米終日穿衣未曾挂着一
絲頭纔能變大地爲黃金攪長河爲酥酪

無生談
卷一
法爲禪師

法身無相不可以聲音求妙道無言不可以文字會縱使超佛越祖猶落階梯直饒說妙譚玄終挂唇齒須是功勳不犯影迹不留枯木寒巖更無津潤幻人木馬情識皆空方能垂手入廡轉身異類卻不道無漏國中留不住却來煙塢臥寒沙

從諗禪師

如明珠在掌胡來胡現漢來漢現把一枝草爲丈六金身用把丈六金身爲一枝草用

智明禪師題像

雨洗澹紅桃萼嫩風搖淺碧柳絲輕白雲影裡怪石露綠水光中古木清噫你是何人

牧正禪師

華開壠上柳綻堤邊黃鳥調叔夜之琴芳草入謝公之句何必見色明心聞聲悟道非惟水上

無生訣 卷一 二十九
覓漚已是眼中着屑

迷時須假三乘教悟後方知一字無

墮窰和尚

鏡凹照人瘦鏡凸照人肥不如打破鏡還我舊
面皮

斷際禪師

念非忘塵而不息塵非息念而不忘忘塵而息
息無能息息念而忘忘無所忘

夫非愚出真不智生達妄名真迷真曰妄
有妄隨愚變真逐智迴真妄不差智愚自異耳
故觀師云迷真妄念生悟真妄即止

理明則言語道斷何言之能議旨會則心行處
滅何觀之能思故天臺云口欲言而辭喪心欲
思而慮忘

法法虛融心心寂滅本自非有誰強言無何喧
擾之可喧何寂靜之可寂若知物我冥一彼此

無非道場何必狗喧雜於人間散寂寞於空谷
是以釋動求靜者憎枷愛杻也離怨求親者厭
檻欣籠也

若以知知寂此非無緣知如手執如意非無如
意手若以自知知亦非無緣知如手自作拳非
是不拳手亦不知寂寂亦不自知知不可爲無
知自性了然故不同於木石手不執如意亦不
自作拳不可爲無手以手安然故不同於兔_角

前際無煩惱可除中際無自性可守後際無佛
可成是謂三際斷絕是謂三業清涼

我一舉心已屬過去我心未舉方名未來非未
來心卽過去心現在之心復在何處學者知一
念纔起了不可得是過去佛過去不有未來亦
空是未來佛卽今念念不住是現在佛念念相
應卽念念成佛此是最初方便之門

慧日禪師

一趯趯翻四大海一拳拳倒須彌山佛祖位中
留不住又吹魚笛泊羅灣

不用求心唯須息見三祖太師雖然迴避金鈎
殊不知已吞紅線慧日且不然不用求真併息
見倒騎牛今入佛殿牧笛一聲天地寬稽首瞿
曇真個黃面

布袋和尚

我有一布袋虛空無罣礙展開遍十方入時觀

自在

一鉢千家飯孤身萬里遊青目覩人少問路白
雲頭

白楊順師

好事堆堆疊疊來不須造作與安排落林黃葉
水推去橫谷白雲風捲回寒雁一聲情念斷霜
鐘纔動我山摧白楊更有過人處盡夜寒爐撥
元灰

僧潤

了妄歸真萬累空河沙凡聖本來同迷來盡是
蛾投焰悟去方如鶴去籠片月影分千澗水孤
松聲任四時風直須密契心心地始悟生平睡
夢中

黃龍和尚

古人一切方便與諸人開個入路既得個入路
又須尋個出路登山須到頂入海須到底登山
不到頂不知宇宙之寬入海不到底不知滄海
之深既知寬廣又知淺深一趯趯翻四大海一
擗擗倒須彌山撒手到家人不識鵲噪鴉鳴栢
樹間

安丕師

孤峯迥秀不挂煙蘿片月行空白雲自在
見性不畱佛悟道不存師

對眼根之塵如見夢時物如觀幻化像對耳根

無生論 卷一 三三
之塵如聞空中風如聽禽鳥語對意根之塵如
湯釋冰雪如治銷金鐵

自在禪師

卽心卽佛是無病求病句非心非佛是藥病對
治句

除亂而不滅照守靜而不着空行之有常自得
真見

不着色則着空何以能非色非空不住有則住
無安足道不有不無

無念禪師

念本非有念不必無知是義者是名無念如人
迷故謂東爲西方實不轉無明迷故謂心爲念
心實不動

無牽纏者卽爲解脫除煩惱者便獲清涼見五
蘊皆空爲深般若若得一心寂滅是大涅槃

大茅和尚

欲識諸佛性向衆生心行中識取欲識不凋性
向萬物變遷時識取

起心欲息知心起知更煩若知知本空知卽衆
妙門

從悅禪師

耳目一何清端居幽谷裡秋風入古松秋月生
寒水衲僧於此更求真兩個猢猻垂四尾

自性無所無所曰寂人唯逐於前塵念念相續
故不能當念而寂回光返照本地風光瞥爾現
前一可忘六可消矣

性空庵主

心法雙忘猶隔妄色塵不二尚餘塵百鳥不來
春又過不知誰是住庵人

真俗雙泯二諦恒存空有兩忘一味常顯良以
真空未嘗不有卽有以辨於空幻有未始不空
卽空以明於有不空之空空而非斷不有之有

有而不常四執既亡百非斯遣

水庵一禪師

藏身無迹更無藏
脫體無依便厮當
古鏡不勞還自照
澹烟和霧濕秋光

證空便爲實執我乃成虛
對病應施藥無病藥還除

長慶和尚

入道之門須用止觀二法
夫理障礙正知見事障續諸生
死非大觀之法安能除理障非大止之法安能除事障

因心悟道道本非心
因目成明明原非目
絕妄想而離執着原其所無
見德性而證如來本其所有
以其所無之理解脫一切諸纏縛
以其所有之明照破一切諸昏暗
則是大明一慧日矣

圓覺禪師

遣迷求悟不知迷是悟之
鉗鎚愛聖憎凡不知

凡是聖之鑪鞴祇如聖凡雙泯迷悟兩忘又作
麼道半夜彩霞籠玉像天明峰頂五雲遮

黃蘗禪師

日昇之時明遍天下虛空未曾明日沒之時暗
遍天下虛空未曾暗明暗之境自相凌奪虛空
之性廓然自如佛及衆生心亦如是若觀佛作
清淨光明相觀衆生作垢濁暗昧相歷河沙劫
終不得菩提

凡人皆逐境生心若欲無境當忘其心心忘則
境空境空則妄滅見善來相迎亦無喜心見惡
相種種亦無佈念但自忘心同於法界方得自
在

心無不存之謂照欲無不泯之謂忘忘與照一
而二二而一當忘之時其心湛然未嘗不照當
照之時纖塵不立未嘗不忘此真忘真照也

張拙秀才

光明寂照徧河沙凡聖含靈共我家一念不生
全體現六根纔動被雲遮斷除煩惱重增病趨
向真如總是邪隨順衆緣無罣碍涅槃生死是
空華

南華禺師

求生本自無生畏滅何曾暫滅眼見不如耳見
口說爭似鼻說

水中捉月鏡裡尋頭刻舟求劍騎牛覓牛空華
陽焰夢幻浮漚一筆勾下要休便休已歌社酒
村田樂不風流處自風流

佛與衆生原無分別悟者心能轉物物歸心
卽是諸佛迷者背心向物妄隨物轉卽是衆生
無垢子

三世諸佛盡在自已身中因氣習所昧境物所
轉便自迷了若於心無心便是過去佛寂然不
動便是未來佛隨機應物便是現在佛清淨無

染便是離垢佛出入無碍便是神通佛到處優
游便是自在佛一心不昧便是光明佛道念堅
固便是不壞佛變化多方唯一真爾

法常禪師

佛從無爲來滅向無爲去法身等虛空常住無
心處有念歸無念有住歸無住來爲衆生來去
爲衆生去清淨真如海湛然體常住智者善思
惟更勿生疑慮

佛體本無爲迷情妄分別法身等虛空未曾有
生滅有緣佛出世無緣佛入滅處處化衆生猶
如水中月非常亦非斷非生亦非滅生亦未曾
生滅亦未曾滅了見無心處自然無法諍

報恩逸公

演若達多認影迷頭豈不擔頭覓頭正迷之時
頭且不失及乎悟去亦不爲得何以故人迷謂
之失人悟謂之得得失在乎人何關於動靜

清涼國師

至道本乎其心心法本乎無住無住心體性相
寂然非有非空不生不滅求之而不得棄之而
不離迷現量則惑苦紛然悟真性則空明廓徹
雖卽心卽佛唯證者方知然有證有知則慧日
沉沒於有地若無照無悟則昏雲掩蔽於空門
唯一念不生則前後際斷照體獨立物我皆如
然迷悟更依真妄相待若求真去妄猶棄影勞

形若體妄卽真似處陰息影若無心妄照則妄
慮都捐若任運寂知則衆行爰起是以悟寂無
寂真知無知以知寂不二之一心契空有雙融
之妙理無住無着莫攝莫收是非兩忘能所雙
絕斯絕亦寂則般若現前心心作佛無一心而
非佛心處處成道無一塵而非佛國故真妄物
我舉一全收心佛衆生渾然齊致是知迷則人
隨於法法法萬差而人不同悟則法隨於人人

人一智而融萬境言窮慮絕何果何因體本寂
寥孰同孰異唯忘懷虛朗消息冲融其猶透水
月華虛而可見無心鑑像照而常空矣

法真禪師

柳色含烟春光迴秀一峯孤峻萬卉爭妍白雲
澹泞已無心滿目青山元不動漁翁垂釣一溪
寒色未曾消野渡無人萬古碧潭清似鏡

影由形起響逐聲來除煩惱而趣涅槃如去形

希明禪師

林葉紛紛落乾坤報早秋分明西祖意何用更
馳求若人深明此旨洞達其源乃知動靜施爲
行住坐臥頭頭合道念念朝宗祖不云乎迷生
寂亂悟無好惡得失是非一時放却如是則誰
是誰非誰迷誰悟自是諸人獨生異見觀大觀
小執有執無靈根獨耀不肯承當心月孤圓自
生違背何異家中捨父衣內忘珠致使菩提路

上荆棘成林解脫空中迷雲蔽日

堯率禪師

龍安山下道路縱橫堯率宮中樓閣重疊雖非
天上不是人間到者安心全忘諸念善行者不
移雙足善入者不動雙扉自能咲傲烟夢誰管
坐消歲月雖然如是且道還有向上事也無良
久曰莫教推落巖前石打破下方蓋日雲

道英禪師

像道而論語也不得默也不得直饒語默兩忘
亦沒交涉何故古佛光明先德風彩一一從無
欲無依中發現或時孤峻峭拔竟不可拔或時
含融混合了無所覩終不椿定一處亦不繫係
兩頭無是無不是無非無不非得亦無所得失
亦無所失不曾隔越纖毫不會移易絲髮明明
古路不屬玄微睹面擎來瞥然便過不居正位
豈落邪途不趨大方那蹈小徑回首不逢觸目

無對一念普觀廓然空寂此之宗要千聖不傳
直下了知當處超越是知赤灑灑處恁麼卽易
明歷歷處恁麼還難若是本分手脚放去無收
不來底一一放光現瑞一一削跡絕踪機上了
不停語中無可露徹底攪不渾通身撲不碎畢
竟是個甚麼得恁麼靈通得恁麼奇特諸仁者
休要識渠面孔不用安渠名字亦莫覓渠在所
何故渠無在所渠無名字渠無面孔纔是一念
追求便隔十生五生不如放教自由要發便發
要住便住卽天然非天然卽如如非如如卽湛
寂非湛寂卽敗壞非敗壞無生戀無死畏無佛
求無魔怖不與菩提會不與煩惱俱不受一法
不嫌一法無在無不在非離非不離若能如是
見得釋迦自釋迦達摩自達摩

天宮徽師

八萬四千波羅密門門門長開二千大千微塵

諸佛佛佛說法不說有不說無不說非有非無
不說亦有亦無何也離四句絕百非相逢舉日
少人知昨日霜風涌消息梅花依舊綴寒枝

慧林受師

不是境亦非心喚作佛時也陸沉個中本自無
階級切忌無階級處尋總不尋過猶深打破雲
門飯袋子方知赤土是黃金

尾終

